

सानसेयारि 'बड'सा' ख्रौरांलाइयाव समाजयारि जिउजों लोखा थानाय रायथाय, खन्थाय, सल', सल'बाथा आरु देवबायारि थावनि, पार्क बाइदिनि सायाव लिन्नाय लिन्निबां देथाय हर/सानसेयारि 'बड'सा' ख्रौरांलाइया खेबखानाबे फोसावगोबे।

बड'सायाव लिन्नाययि हुबा खालाम्, 'बड'सा' ख्रौरांलाइया, जो बयबो आंगो खालाम्।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 10 November, 2020 Kokrajhar, BTC, Assam ★ Vol.- 30, Issue No. 224 ★ R.N.I.Regd.No.40994/9, AssamGovt.Regd.No.IPRD.40/2006/13, ★ Rs./-

श्रीमन्त शंकरदेब कलाक्षेत्रनि 23 थि गायसन्थाय सान फालिनायाव गिबि मन्थि सनवालआ बाहागो लादों

शंकरदेब कलाक्षेत्रआ राइज्योनि हारिमुवारि, समाजयारि आरु सान्थौयारि जिउजौ गोहो गोरु खालामदों: गिबि मन्थि



दिसपुर, 9 नभेम्बर: राइज्योनि हारिमुवारि, समाजयारि, दोरोडरि, सुबुं फोथायथि आरु सान्थौयारि जिउजौ गोहो गोरु खालामनायाव श्रीमन्त शंकरदेब कलाक्षेत्रआ थानाय गोबाव बोसोर सिमानिफ्रायनो गोनांथारि बिफाव लाबोदों। बरक, ब्रह्मपुत्र, हाजो आरु हायेननि थागिबि सुबुंफोरनि गेजेराव बिदा-फंबाय अनलायनाय, गोजोन आरु खौसेथिनि बान्दोखौ गोखोडै लाखिनायाव बिहोमा होबोदों। (□ 5 बिलाइआव)

कक्राझारनि आर 'नाइ रेस्टुरेन्टयाव बारग' एन डि एफ बिनि दैदेनगिरि आरु केडारफोरजों सावराय मेल खुंदों

इउ पि पि एल, जि एस पिआ फेक्टर नडा, बि जे पिआसो फेक्टर जागोन: हाग्रामा महिलारि



कक्राझार, 9 नभेम्बर: कक्राझार समबारखालि बारग' एन डि एफ मेलया जानाने थाडो। बे सावराय सहरनि साहा फासै श्यामगावआव बिनि मोनब्रेबो हान्जानि दैदेनगिरि थानाय आर 'नाइ रेस्टुरेन्ट'आव दिने आरु केडारफोरनि मोनसे सावराय (□ 5 बिलाइआव)

इउपिपिएल दोलोआ मोन 30 मासि देरहानानै बिटिआर सरकार दागोन: प्रतिभा ब्रह्म

कक्राझार, 9 नभेम्बर: बिटिसि बिसायख 'थिआ खुं जागोननि खाथि नोजोरवनो दासान्दि दोलो आफादफोरनि फोसावदिनाय आरु मेल-मिथिनि गेजेरजों मोनसेआ गुबुन मोनसे दोलोखौ बिबुंथिनि गेजेरजों सोंखारिनाय, अजद खालामनाय बाथानि दावहाया (□ 5 बिलाइआव)



जमदुवारआव बिपिएफ दोलोनि सुबुं हान्जा सुरनाय हाबाफारि खुंदों



गसाइगाव, 9 नभेम्बर: बिटिसिनि दर 4 जिल्लाफोरनि गेजेराव कक्राझार जिल्लानि गसाइगाव महकुमानि सिडव थानाय 4 नं जमदुवार बिबाबनि जारागुरि, गलादाडि, दावागुरि प्राइमरियाव (□ 5 बिलाइआव)

एसएसबि हान्जाया थै दान होनाय बाद खुंदों

कक्राझार, 9 नभेम्बर: आफां आसामनि कक्राझार जिल्लानि सिडव थानाय गसाइगावआव थिसनजानाय 31 थि बेटेलियन एसएसबि हान्जाया बोसोरफ्रोमबो 11 नभेम्बर खौ गावसिनि गायसन्थाय सान महरे फालिनाय जायो। बे बोसोरवबो कथिड-19 नि प्रटकलफोरखौ मानिनानै सोलिनायनि गेजेरजों एसएसबिनि गायसन्थाय सानखौ फैगो 11 नभेम्बरखालि फालिनो थाखाय साखा-फारा जादों। लोगोसे बे

गायसन्थाय सान फालिनाय सानाव एसएसबि सान्थिफोरा गोनांथि जानायफोरनो थै होनो हानाय (□ 5 बिलाइआव)

बे खेबाव कक्राझारआव बिजेपि सरकार जागोना रोखा: हिमन्त

उदालगुरि, 9 नभेम्बर: बिटिसि बिसायख 'थिखौ मिरु खालामनानै बिपिएफ आरु इउपिपिएल दोलोआ थानाय माखासे दाननिफ्रायनो फारिये दोलोनि फोसावदिनाय आरु मेल-मिथि खुंनयखौ सोलिहोबाय थादों। बे बिथिडव बिटिसि खुंनयखौ जैरिख जाया दखल खालामनो थांखिजों बिजेपि दोलोआबो सोलो-बोलीजों फोसावदिनायखौ दासान्दि मैखोमे जागायजेन्तो लादों। बेनि गेजेरावनो आसाम सरकारनि गोखों मन्थि महरे



मिथिसार जानाय आरु नेडानि आफादगिरि ड० हिमन्त बिश्व शर्माआ दोलोनि बिसायख 'थि

सालबारि इउपिपिएलनि सुबुं गौमायाव प्रमद बर'-इउजि ब्रह्मनि हुमखि

(इउपिपिएल सरकार कैयोब्ला बोसोरफ्रोमबो 1 लाख लाइमोनफोरखौ स्वामानियाव थिसनगोन: प्रमद बर')

भबानिपुर, 9 नभेम्बर: बिटिसिआव बिसायख 'थिखौ मिरु खालामनानै दासान्दि दोलो आफादफोरनि फोसावदिनायजों ओन्सोलनि थासारिया दुहावसिन जानो हमदों। बाक्सा जिल्लानि सालबारियाव बिपिएफ आरु इउपिपिएलनि बिसायख 'थि



फोसावदिनाया मै खोमै थानाय 7 नभेम्बरवाव बिपिएफ जुजिलाइनायखौबो नुनो मोन्दों। दोलोआ साउदरबिथायाव मोनसे

गेदेर सुबुं गौमा खुंनयनि गेजेरवनो सानसेल' सान बारलानायनि उनाव दिने सालबारि फरायसालिमनि गेलेग्रा फोथाराव इउपिपिएल दोलोआ गुबुन मोनसे गेदेर सुबुं गौमा खुंनानै हान्जानि गोखोंथि गोहोखौ दिथिफुंदों। इउपिपिएलनि बान्जानाययाव खुंनय खमैबो 15 रोजानि बांसिन ज'मा जानाय एबा (□ 5 बिलाइआव)

बि जे पि सरकारआ नटबन्दि आरु लकडाउनजों हादतनि सान्थ हायै न'फोरखौ सिं-स खालामदों: राहुल

गोदान दिल्ली, 9 नभेम्बर: कंग्रेसनि बारग' आफादगिरि राहुल गान्धीआ दासान्दि गहाय मन्थि नरेन्द्र मदि दैदेननाय भारत सरकारआ हादतयाव जायखि रोखोमे बिथांखि जागायनाय आरु खामानि मावनो लानायनि सायाव बायदि बायदि रावजों सोंखारिबाय थानाय आरु गाग्लोबबाय थानायखौ नुनो आरु खोनानो मोनबोदों। बुब्लियावनो दिने गुबुन मोनसे आलादा जाथायजों



सरजाबनानै राहुल गान्धीआ फिन बि जे पि दैदेननाय मिरु सरकारखौ गोखों रावजों सोंखारिबावदों। राहुल (□ 5 बिलाइआव)

ट्राइबेल सुबुंफोरनि सायाव मन्थि हिमन्तनि फोसावनायखौ गोजोनाय मोनाखै इन्डिजेनियास ट्राइबेल साहित्य सभाया

गुवाहाटी, 9 नभेम्बर: थानाय 5 नभेम्बरखालि आसामनि 'बर', मिर्सि, कार्वि, राभा, टिवा, डिमासा, देउरि आरु गार' साहित्य सभाखौ लानानै दाफु'नाय मोन 8 इन्डिजेनियास ट्राइबेल साहित्य सभानि जुथाय आफादनि मिरु मावफु' गौथुमनि मोनसे मेलआ गुवाहाटी नोगोरमायाव थानाय 'बर' थुनलाइ आफादनि मिरु दालाइ मावख' समाज-थुनलाइ हारिमु



कमप्लेक्सनि जथुमग्रा खथायाव मेसिं थुनलाइ आफादनि जुथाय मन्सनि आफादगिरि आरु (□ 5 बिलाइआव)

मन्थि प्रमिला रानि ब्रह्मनि बान्जायनायाव समाज अन्साय बिफाननि सावराय मेल

दिसपुर, 9 नभेम्बर: समाज अन्साय बिफाननि मोनसे गोनांथार जथुमनाय मेलखौ दिने नाजिराआव खुंनय जायो। बिफाननि मन्थि प्रमिला रानि ब्रह्मनि बाहागो लानायाव खुंनय मेलआव समाज अन्साय बिफाननि गुबुन गुबुन बिथांखि आरु बिफाननि खामानि दामानिनि सायाव गोनांथार (□ 5 बिलाइआव)



बागसायाव फरायसाफोरनि थाखाय बेसेन नाडै आधार एनरलमेन्ट सेन्टार बेखेवदों

मुसलपुर, 9 नभेम्बर: दुलाराय आसामवनो दिने फरायसुला-फरायसुलिफोरनि थाखाय बेसेन नाडजासे आधार कार्ड बानायनो थाखाय आधार इन्रलमेन्ट सेन्टार बेखेवनाय बादिनो बाक्सायावबो फरायसुला-फरायसुलिफोरनि जुनै आधार कार्ड इन्रलमेन्ट सेन्टार बेखेवनाय जायो। बे हाबाफारि

बादिये बाक्सानि मुसलपुर बि इ इ अ'नि मावखुलियाव इन्रलमेन्ट सेन्टार खौ बेखेवनानै होयो जिल्लानि जिल्ला बेंगिरि रन्जन (□ 5 बिलाइआव)

चिरां जिल्लानि बिजनीआव बिसायख 'थि फोसावदिनाय मेलआव मन्थि चन्दन ब्रह्म

(जुथाय सरकारा सोलिबाय थानायनि समावनो मन्थि हिमन्तनि बुनाय बाथाया दुखुनांथाव: चन्दन)

बिजनी, 9 नभेम्बर: बिटिसि बिसायख 'थिआ खुंजानो खाथि नोजोरवनो दैसै। बिसायख 'थिखौ मिरु खालामनानै दासान्दि गुबुन गुबुन राजखान्थि दोलोफोरा फोसावदिनाय, मेल-मिथि खुंनया गोखेनिफ्राय गोखेसिन जानायखौ नुनो मोन्दों। दिने चिरां जिल्लानि बिजनीनि सिडव थानाय 19 नं थुरिबारि उदां बियाबनि बिजाथिनि थाखाय मोनसे ए'जिपि आरु बिपिएफनि जुथाय बिसायख 'थि फोसावदिनाय मेलखौ खुडो। बे हाबाफारियाव आसाम सरकारनि मन्थि आरु बिपिएफ दोलोनि गागि दैदेनगिरि चन्दन ब्रह्मआ बाहागो



लानानै गावनि बिबुंथियाव आसामनि रांखान्थि मन्थि हिमन्त बिश्व शर्मानि थानाय समाव दोलोनि बिसायख 'थि फोसावदिनाय मेलआव बुंनय बाथाखौ रायखानानै गोखों रावजों फिनजाथाय खालामो। मन्थि चन्दन ब्रह्मआ बुडोदि, राइज्यो (□ 5 बिलाइआव)

डनाल्ड ट्रम्पआ नेवसिनाय खामानिफोरखौनो आमेरिकानि गोदान हादतगिरि ज' बायडेनआ सिगांगो मावगोन

वाशिंङटन, 9 नभेम्बर: आमेरिकानि गोदानै हादतगिरि महरे सायख'जानो हानाय एबा बिसायख 'थियाव देरहासार जानो हानाय ज' बायडेनआ बिबान आजावनायनि उनाव गावनि सिगांगो खामानि मावनो लानायखौ फोरमायथिदों। मिथिनो मोन्याय (□ 5 बिलाइआव)



गिबि मन्थिआ अन्थाय खाम्फा गाइसन्नायजों लोगोसे माखासे बिथांखिबो बेखेवदों

दिसपुर, 9 नभेम्बर: आसामनि गिबि मन्थि सर्वानन्द सनवालआ दिने नलबारिआव हारिमु बिफाननि गेजेरजों जौगाखां पुन्जनि सिडव लुफुंनो गोनां कुमार भास्कर बर्मा क्षेत्रनि लुफुंनय खामानिखौ

गोजोनै बेखेवना होयो। गिबि मन्थिआ हाउसफेड आसामनि गेजेरजों लुफुंनो लानाय सिगांगि भारती जथुमग्रा न'नि थाखायबो अन्थाय खाम्फाखौ गाइसन्नाय जायो। बिथाख लोगोसे हरिमन्दिरनि

लांगोनायाव लुफुंनय आलासि जिगयसालि न'खौ बेखेवनायजों लोगोसे आसाम दर्शन बिथांखिनि सिडव बरनिद ओन्सोलनि श्री श्री दुर्गा मन्दिर माल्टुपारा लामाखौबो (□ 5 बिलाइआव)

सुजुगिरिनि खोलोम

बाथ्रानि दावहाजों फोसावदिं मेल

बिटिआरयाव दासान्दि बिटिसि बिसायख 'थिनि
फोसावदिंनाय मेल-मिटिं आरो रेलि खुंनयनि दोहों सोमजिदों। सानसेनि गेजेरावनो गोबां राजाखान्थि दोलोफोरनि फोसावदिं मेल,रेलि खुंनानै दैदेनगिरिफोरा गोखों बाथ्रा बानजों मोनसेया गुबुन मोनसेखों गग्लोबनानै राइजो-राजा भटारफोरनि गोसो जै खालामनानै देरहानायनि सिमां सुजुदों। दासान्दि नोजोराव गोसो जै खालामनानै देरहानायनि ओन्सोलारि राजखान्थि दोलो बिपिएफ आरो इउपिपिएलनि अनगायावो माहारियारि दोलो बिजेपिआबो बिटिसि बिसायख 'थिनि थाखाय गोखोडे-नांथाबनानै फोसावदिंनाय नुनो मोन्नाय जादों। फँगो बिटिसि बिसायख 'थियाव मैखोमै बाहागो लानानै बिटिसि खुंथाय सामलायनयनि मिज्जिथि लानानै बिजेपियावो बिपिएफ ,इउपिपिएल बादिनो फोसावदिंनायखों गोखोंनिक्राय गोखों खालामनय नुनो मोन्दों। फोसावदिंनायव मोनसेया गुबुन मोनसे राजखान्थि दोलोखों गोखोंथारै सोंखारिनाय, दुसिनाय, खुंथाय सामलायनयाव फेलें जानाय, बाइदिसिना अजद होलायनानै गग्लोबलायनानै भटारफोरनि गोसो बोनो नांथाबनय नुनो मोन्दों। नाथायबा राइजो-राजा भटारफोरा आधिखालनि समाव बुजिनो हायै जाम्बा,खोनानो मोनै बेंगा आरो नुनो मोनै खाना नलिया। बिसोरबो बबे सैथोजों खारदों बबे नंखाय बाथ्राजों फोलानानै भटारफोरखों बुरखानयो नाजादों बेफोरखों बिजिरनो हानाय जाबाय। बिसोरबो गावसोरनि बेसेन गोसा भटखों सायख 'नानै होनो हानाय सांग्रां जानो रोंबाय।

बिटिसि बिसायख 'थि खुंनयनि अक्ट,समफारिखों दासिम फोसावनाय जायाखँब्लाबो सोलिफु दाननि गेजेर बाहागोयाव बिसायख 'थिनि अक्ट फोसावनो हागो होन्नानै सान्नाय जादों। खुंथाय गोहोयाव थानाय दोलोन फोसावदिंनायखों नोजोर होयोब्ला बोसोर गोदान सौफेनायनि सिगांनो बिटिसि बिसायख 'थि खुंनानै बिसायख 'थिनि गासै हाबाफारिखोंनो फोजोबहैनयनि राहाबो लानो हागो। बेराफारसँ बिसायख 'थि खुंनो अक्ट फोसावनयनि सिगांनो दासान्दि फोसावनयनि जोबथा सान बादि महर मोन्दों बिटिआरनि दरफ्रोमबो बियाबफोराव। राजखान्थि दोलोफोरनि फोसावदिंनाया दरफा-दरनै जायगाफोरावल' थुंगेनानै फैयाखँ, बिटिआरनि दरफ्रोमबो टाउन-सहरनिक्राय लानानै दरफ्रोमबो गामिफोरावनो साइकेल रेलि,हान्जा सुरनाय बाइदिसिना हाबाफारिनि गेजेरजों बिसायख 'थि फोसावदिंनानै दोहों लाबोदों, बार बारहोदों।

दिनेनि फानजामुथि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ)
 कर्कट : ड ह सिंह : म ट कन्या : प ट (ण ष)
 तुला : तर वृश्चिक : ब न धनु : ध भ (ड फ)
 मकर : ख ज कुम्भ : ग श (स) मीन : द च (ख ज झ)

-  **मेष:** न'नि सुभ खामनिफोरखों मावनानै लानो हागोन। जैरैथिबो जौगालानो हागो।
-  **बृष:** सिन्धुजों देहाफोरा गेरेबलानो हागो। जैनाफोरा जोबनय नड। धैष्य हमनानै थानाया मोजां।
-  **मिथुन:** फिसाल्लानि थाखाय जिंगा सिनानो हागो। गोसोआ बायनो नाड।
-  **कर्कट:** खामानि मावनयाव सोरजोंबा हँथा होजानो हागो। सान्नायखों जाफुंहोनो हानाय नड।
-  **सिंह:** जेखि जाया मोजां हाबाफोराव आगान सुरजेनो हागोन। फारफ्रोमथिबो जौगानाय लाबोगोन।
-  **कन्या:** फालांगिआव रंखावरि मुलाम्फा मोनो हागोन। गोसोखों गोजोन मोनगोन। मोजां सान।
-  **तुला:** मानिबा जाहोनाव रंखावरि खरसा खालामनानो हागो। आखाइआव थानाय राड जोबस्रानो हागो।
-  **वृश्चिक:** माबाफोर मुवा-बेसाद खहा जानो हागो। जैरैथिबो नोजेर होनानै थानाया मोजां।
-  **धनु:** मानिबा थाखाय गोसोखों गोजोन्नाय मोनै मोनो हागो। जेखि जाया गोसो हमथानानै थानाया मोजां।
-  **मकर:** सोरनिबा अन्नायाव माबा मोनसे मुवा मोनो हागो। मुलाम्फा गोन। गोजोन्नाय मोनगोन।
-  **कुम्भ:** साखिफोर थाबायनय दंब्ला मोन्नायनि आसा दं। नाजाथाबयोब्ला मोजां फिथाय मोनगोन।
-  **मीन:** जेखि मावा रंखावरि मुलाम्फा खालामनो हागोन। गोसोआव जौगानाय लाबोगोन। मोजां सान।

बर'नि सल'बाथा आरो माहारियारी बेसेन

मंगलसिं हाज'वारी

बुहुमाव बयनिबो हादर आरो माहारिनि गेजेराव सल'खिन्थानयनि खान्थि दं। सल' खोनासंनो बयबो मोजां मोनो। सल' खोनासंनो लुबैनाया सुबुनि जोनोमनिक्राय मोन्नाय आखु। गियान गेवलांसारनाय लोको लोको बे जोनोमनिक्राय मोन्नाय आखुवा लासैनो दिदोम जाना संदानाय जायोब्लाबो सुबुं माहारिनि साधारण थाखोनि बिदै सोबनयनि जाय मोनसे सरसनम्रा बिथखो दं, बेखों थान्खि लाना मोनफ्रोमबो हारिनि गेजेराव मोनसे खुगा थुनलाईनि जोनोम मोन्दों। बेफोर मोनफ्रोमबो हारिनि खुगा थुनलाईनि मोनफा गाहाय बाहागो। खन्थाय आरो रायथायनि गेजेरजों खुगा सल'खों फोरमायनय जायो। खन्थायनि गेजेरजों फोरमायोब्ला बेखों सल'थायमा आरो रायथायनि गेजेरजों फोरमायोब्ला बेखों सल'बाथा एबा खुगा सल' बुंनय जायो। थामहिनबा खुगाजों खुगा सोलिबोनय सल'खौनो सल'बाथा एबा खुगा सल' बुंनय जायो।

बर'माहारिनि गेजेराव बायदि रोखोमनि सल'बाथा दं। जैरै-धोरोमारी सल'बाथा, जोहोलावनि सल'बाथा, जीब-जुनातनि सल'बाथा, गोमोथाव सल'बाथा बायदि बायदि। बर'नि गेजेराव आबै आबौनि सल'बाथा एबा बाथ्रा होन्नाय गोदोनिफ्रायनो सोलिबोनय सल'बाथा दं। बेफोर जुग जुगनिक्रायनो बिनि खुगा बैनि खुगा सोलिबोनय सल'। बर' माहारिनि गेजेराव रावना रावनिनि सल' मावरियासोन जोहोलाव, थुसिनासोन जोहोलाव, अलसियासोन जोहोलाव, थायगिरिभ्रि, मायदासिं हाराथेफा, दावरिगाव बायदि बायदि सल'बाथा दं।

बेफोर सल'बाथाफोराव बर'नि माहारिनि बायदि सावगारिया बेरखाडे। सुबुनि जोनोम जीब-जुनातनि जोनोम, बे बुहुमनि जोनोम जानाय जों लोकोसे दैमा-दैसा, हाजो-हाला, बिफां लाइफानि जोनोमा बौरै जाखो बेफोर बाथ्राखों बर' सल'बाथाफोराव मोनो थाडे। दाव रिगावनि सल'बाथायाव बिदा-फंबाय मैहुराव थाना बिदाया फंबायखों खोमानाना माबौरै दाव रिगाव जाखो बे सल'खौ मोनो थाडे। बिदिनो चन्द्रमाली आरो खोथिया बुदांनि सल' बाथायाव महर गोसा चन्द्रमालीया नायथावया जाथायवा खोथिया बुदाड गोसो थोनायखों जोगारना सोगों राजनाव बिनि 'बिसार' नागिरना बोर बिनायाव जायनो बिखौ गोसो थोयो बिजोंनि हाबा जानांगौ होन्ना बोर होयो। बिनिक्राय बेखोंनो फोरमायनो सान्दोंदि खाफालाव लिस्नायखों रावबो हुखोमोरनो हाया। मोजां गात्रि बासिब्लाबो जायजों खाफालाव लिस्ना हरदों बिजोंनो जुलि जानांगौ।

सल'बाथायाव थोंजों एबा खेंसालियाथै बोसोन आरो खान्थि-गियान आखल फोरोंनाय जायो। रोजाबग्राया

बायदि बिडै आरो महर गोनां मेथाय रोजाबै सल'बाथाखों रोजाबलानायाव गेजेर गेजेर बर' बाथ्राफाव आरो सुबुं फोथायनायखों बेखेवना होलाडो। लोकोसे संसार जानायनि बायदि बोसोन मा खालामबोला मा जायो बेफोर खान्थि बोसोनफोरखों बेखेवलाडे।

सल'बाथाया जैरै जाति गैया, बिदिनो बिहा जेबो धोरोम गैया। खीष्टननि सल'बाथा, इहुदीनि सल'बाथा होन्नाय जैरै गैया-हिन्दुनि सल'बाथा, मुसलमाननि सल'बाथा होन्नाय गैया। जाति एबा माहारियारीजों बिहा सिनायथि, धोरोमजों नड। जैरै बर'सल'बाथा, बाडलीनि सल'बाथा, जार्माननि सल'बाथा बायदि बायदि। बाडली हारिया जैरै हिन्दु आरो मुसलमान धोरोमारीजों दनाय, बिदिनो जार्मान हारियाबो खीष्टन आरो इहुदि धोरोमारीजों दनाय। बर'नि गेजेरावबो बाथ्रै, ब्रस्म, खीष्टन, हिन्दु धोरोमारी दं। बर'सल'बाथाफोरा गवनि हारिनि सोदोमस्रिनि आगजुफोरजों दनाय। बेफोर गुबुन हारि एबा धोरोमनि सोलाव लानाय सल' नड। बिबिदो बांला एबा जार्मानिनि खुगा थुनलाईया बे मोननै हारिनि थागिरिफोरनि गुबै हारिमु सोदोमस्रिनि बारजों सोमजिनय सल'- रावनिबो दाहार लानाय नड। आसामनि थागिरि बर' हारिनि सल'बाथाफोरा थारैनो रैसुमै गोदे, मिलोहाब, बिसिगि एबा बिलोगो बानाय, साब्रिजानायनि असिला लाना रोजाब'लाय लायना हरानो सान, सानानो हर जालायनाय सल'बाथा खिन्था होनाय जायो।

बेफोर सल'बाथाफोराव बर'नि आंगो सावगारिफोरा बेरखाडे। लेडाय सल' थामहिनबा दावमा-दावसानि आखुखों नायना रनसायनाय सल'बाथाफोरनिबो माहारियारी गोनांथि दं। जायफोर दावमा-दावसा, जिव जुनातखों लाना गाहाय भावनागिरि खालामना सल'खों दनाय जायो बेफोर गोसिबो हादरावनो सिनाय जानाय। जैरै-मैदेर, शियाल, दावखा, सैमा, सेसा, अमा, मोसा, लखा, गान्दा, खासेव, खांखाय, मावजि एनजर बायदि बायदि सिनायजायै जीब-जुनातफोरा। बेव बाहागो लायाखँ। आधिखालनि नोगोरारी सोदोमस्रिनि गोसारनायनि सिगां बिसोरजों सुबुं समाजनि सिनायथिया गोरसिनमोन। बिसोरनि आखु सोलिनायनि सोमोन्दै बयबो सुबुंहा थार रोंग'थि दंमोन। हाग्रा बंग्रायाव थाना जीब-जुनात जोंनो रायजो जाबोनायलाय, बिसोरनि जानाय, थानाय, सोलिनाय आरो आखल आखुखों लाना बर'सल'बाथा रनसायनाय जादों। दाव, अमा, फारी, मोसौ मोसा, सियाल गान्दाखों लाना सल' रनसायनाय जादों आरो सुबुं समाजनि गेजेराव मोजां मोजां फोथायथाव आरो गनायथाव सल'बाथा सोरजिदों। जीब-जुनातनि खुगाजों बोसोन होदों सल'बाथानि गेजेराव ईश्वर एबा गोनां बाथ्रा फोस्रावदों। सुबुं

माहारिया बेफोर बोसोनखों गनायना एबा मानिनो नाजादों। बर'सल'बाथानि गेजेराव बर'बाथ्राफाव आरो सुबुं फोथायनाय बाहायनाय नुनो मोनो। सल'नि जाथायखों महरगोनां, रैसुमै खोनासंथाव खालामनय जायो। जैरै-जेराव थुरि नुयो बेवनो बाथि गारो 'बिफाडाव मोफो हायाव बाहागो, सैमा सोंनाया अरनो रोड, मोदोमनाय बिबारखों होखोमानो हाया। आलजाल मोसा हालानि जोनजाल, जिबौआसो जिबौनि आधिखों नुयो, मैया थैयो आगानाव, नाया थैयो थफिनायाव, सेसाया थैयो खियाव-मानसिया थैयो खुगायाव-बायसेथा सल'जों गोरबनय बाथ्राफाव बाहायना सल'खों खोनासंथाव आर महर गोनां खालामो। लोकोसे बेफोर सल'नि गेजेराव सुबुं फोथायनाय जैरै-माय मोजाड नारायावनो सिन, बिखा फादं मेगन मोस्रां बे हौवाआ मोजां, नायनो मोजां आखला आंजां, आदा नांघ्रां बाजै सिग्रां, मावनाय समाव थेंगन जानाय समाव बेंखन बायदि सुबुं फोथायनायनि देंखो रिखाडे।

बड'सल'बाथायाव मैहुराव थानायनि जाथाय, ना सारनाय, ना गुरनाय, बान्दो थेनाय सेन, खखा सानाय जाथायनि गेजेरजों आबै आबौनि समनि रायजो जानाय, समाज-खान्थि सुबुनि जिउ दैदेनयानि राहानि सोमोन्दै मिथिनो मोनो। मैहुराव थांब्ला मा नेम फालिनांगो, ना गुरनाय, ना सारनाय, सेन-ख'खा सानायाव मा खालामनांगो बेफोर बोसोनखों सल'नि गेजेरजों बिजिरना होलांनय जायो। सल'बाथाफोरा सुबुं जिउ दैदेनयानि राहा दिन्थियो।

गोदोनि दानि रायजो जानायनि फारागआ मा, गोदोनि राजा-महाराजा एबा हादुंगोराया बौरै रायजो खुदंमोन बेफोर बाथ्राखों सल'बाथ्रानि गेजेरजों मिथिनो मोनो। सल'बाथाआव राजानि फिसाजो राजखुंग्रीजों राजखुंगुरा हाबा जानायनि अनगायैबो नेहात गलामनि फिसाजोजों जुलि जानायनि बिदिन्थि मोनो थाडे। बेफोर जाथायनि गेजेरजों हारि बिसिनयनि बाथ्रा सोमजिया, माहारिनि हँथानि सौथि सिखरा। बर'माहारिनि गेजेराव बयहाबो समान मोनथाय दं, बिखायनो जायनो मोनो बिनो राजखुंग्री एबा गेदेर गोलाडनि फिसाजोखों हाबा खालामनो हायो। मावरियासोन जोहोलाव, खुसियासोन जोहोलाव अलसिया जोहोलाव, हाबाथेफा सल'बाथाफोराव बेफोर बिदिन्थिखों मोनो थाडे। बेफोर सल'बाथानि गेजेरजों थार गोसो थोलायनायखों जेबो गात्रि गोहो आरो हँथयो बोखानो हाया, गिबि बाहागोआव बायदि खैफोतआव गोसैब्लाबो उनाव सैथोनिनो जै जानाय दिन्थिनय जायो। बेफोरनि गेजेराव मोनसे गोथै सुबुं खान्थि एबा गनतन्न माहारि राहानि इसारा दं। बुहुमनि अराय गोजाम माहारियानो बिबि सुबुंतन्ननि माहारि राहानि सिं। बिनिखायो सल'बाथानि राजा आरो बिनि

आखल-आखुनि जासिनयथि मोन्नाय जायो, बेफोरनि गेजेराव मोनसे गोजाम माहारि खान्थिनि सिनायथि सिथाबना दं। माहारि जिउनि जौगानायाव बायहानिक्राय गोबां रोखोमै सोलायब्लाबो, दासिमबो बेफोरनि गोहोम गोसैनायखों सिमान जायाब्ला थानो हाया। बर'सल'बाथानि गहेनाफोराबो दिथो होनो गोनां। रामायण,महाभारतआव जानाय गहेना फोरबादिनो सल'बाथानि रावफोरा खहाब गोनां। जैरै-खुमन्नबादि लाव दुद्रनाय, जोगोनातबादिनो दुद्रनाय, सिगुन गालफाबादि गोजा मोखां, दावघीबायदि थैव-थैव रायजलायनाय, बोराय खेव-बुरैखेव रायजो जानाय, अखा खोरोमनायबादि सोगोमनाय, मोसाबादि सोगोमनाय,

सैमाबादि नेरनाय बायदि बायदि। बर'सल'बाथाखों बिजिरना नायब्ला नुनो मोनोदि गोबां जीब-जुनातफोरखों लाना सोरजिनय सल'बाथाया मिनिथाय आरो गोमोथाव। जीब-जुनात दावमा-दावसाफोरखों लाना लेडाय सल'बाथा रनसायनाय जायो। आदुवानि आखु दिन्थिनो थांब्लाबो बिनि बिदैनि जोनोम जायो। असमीया रावजों लिस्नाय बुदुी आइर साधु'आरो 'इसपर साधु' बिजाबनि सल'फोराव बड'सल'बाथानि माखासे आखु बिथा सावगारि बेरखानाय नुनो मोनो। बेफोर सल'नि जाथायफोरा बर' माहारिनि गेजेराव सानफ्रामबो थापलायबाय थानाय जाथाय। बड'सुबुनि रायजो जानायाव बेफोर जाथाबा जौनि मेगन

नोजोराव जेब्लाबो थापलायबाय थायो।

बर'सल'बाथायाव धोरोमखान्थि :- मोनफ्रोमबो हारि एबा हादराव धोरोमनि आसार खान्थिफोराबो मोनफा सल'बाथा जोनोम जानायाव थुलंगा होदों। स्थिथ थमसना बुंदों- "Religion also has played a mighty role everywhere in the encouragement of narrative art, for the religions mind has tried to understand beginings and for ages has told stories of ancient and secred beings." बर'आ गावनि हारिनि धोरोम खान्थि दं। बेफोरखों लाना बर'नि गेजेराव गोबां सल'बाथा सोमजिखोंदों।

हिन्जाव माहारी आरो सतीनि गोहो

प्रपेला ब्रह्म

बे ब्रह्मान्दआव भुमआ जोनोम मोन्नायनि लोको लोको सोरजिगिरिआ मानसि-दुमसि, जिउ-जिरात गासिखोंबो सोरजिदों। जिउ-जिरात जोनोमनि गेजेराव हौवा आरो हिन्जाव फाराग महरै ईशोरा सोरजिदों। हौवानि गोहोया आलादा फाराग दड बुंजायो। मानोना हौवानि गोहो बोलोआ बांसिन। नाथाय हिन्जाव माहारीफोरनि शक्तिफ्रा साखायाव नुनो मोनै गोहो दड। मानोना भुम जोनोमनि लोकोसे सैथो जिरातआबो जोनोम मोनफादंमोन। जायनि थाखाय बयबो जोनोमगिरियानो सैथोनि मायानि दौलेंखों एराइनो हायाखँ। बिनि थाखायनो सोरबा माया गेलेहोप्रा सोरजिगिरि ईशोर नाम दड होन्नानै बयबो जिउ जिरातआनो गंग्लायनादों।

दौलेंजोंसो बोत्रेजानाय बुंजायो। नाथाय बिसोरबो उनाव बे सैथो आरो धोरोमनि बिगोमानि आधिआवनो नागिरबायनानै गोसलै फिन्नाडे। बिनि थाखायनो जों बयबो देरनाय लोको लोको सैथो आरो धोरोमजों आगान सुरलाडेब्ला थानानै थानायाव जिउ लामाया अराय सोरां आरो गोथार जालांगोन।

हिन्जाव माहारिनि कुलआव जोनोम मोन्दों होन्नानै जों हिन्जावफ्रा साधु एबा ईशोर फुजिग्रा सन्यासी बादि जानाड बे नड। मानोना हौवानो जा एबा हिन्जावआनो जा जों बयबो ईशोरनिनो फिसा। बे ब्रह्मान्दरआव 84 लाख जगोनि गेजेराव मानसि जोनोमआनो साबसिन आरो देरसिन। बे मानसि जोनोम मोनसेयावबो जों इसोरखों सिनायनो रोडाब्ला जौनि जोनोमआनो नंखाय बुंजायो। बिनिखायनो जों गोसोनि खोथाखों फोरमाइनो रॉनायनि थाखायनो जों बयबो ईशोरनि सैथो धोरोमखों फालिनांगौ। हिन्दुआनो जा खूष्टानआनो जा गासिबो धोरोमनि बाणीनि गुणफ्रानो बे एखे सैथोखों मानिनाय। रावखोंबो थगायै, मालाइनि इनाय सनै देतसिनखों मानिनाय, गुबुनखों गावबादि सान्नाइ आरो हिन्जाव माहारीया फिसाइखों अराय गंग्लाइनाय।

हिन्जाव माहारीया देरनाय लोको लोको आबु गोनां आखुखों नोजेर होनानै सोलोनो रॉनांगौ। बेफोरबादि गियानजों साधिफबनाय आखुनि हिन्जाव माहारीखों बुनो थाडेब्ला गुबुन हारिफोरनाव बांसिन नुनो मोनो। जैरै बिमा बिफाखों मान होनाय, बेवयाइ एबा देरसिनखों मान होनाय, फिसायखों फु-बेलासि, जानाय लॉनाय उन्दुनायाव खुलुमनाय आरो धोरोम निथिफोरखों गोबां मानिनाय नुनो मोनो। जैरै मानिदों एरैनो बिसि-फिसा फोलेरफ्राबो गोजौ थाखोनि मासियाव गाखो लॉनो हासिन्दों बुंजायो। नाथाय जौनि बिमा-बिफा फुजिनय, फिसाइखों मान होनायफोरखों गोबां फाराग थानाय नुनो मोनो। बर'हिन्जावफोरनि बिमा बिफा

फुजिनयफ्रा आरो फिसाइखों मान होनायफ्रा संसार जानायाव मावयै दाइँ समानै देहाबो गारफानानै न'खर सहाय होनायखोंनो जों गोबां मान होनाय बादि मोनो। जौनि गोबांसिन आइजोफ्रा गात्रि फावयै फिसाइखों राइला बाइनाय नुनो मोनो। नाथाइ बुनो थाडेब्ला बेफोर आखु एबा गुनफ्रा सैथो एबा धोरोमआव गोसैनाय जाया। जौनि बिमा माहारीफ्रा गुरै आरो हागोमानि गोदै खोथा रावफ्राव बाहायग्रासो जानो हानांगौ। होमब्लासो जौनि फिसाफोर उन जोलैफ्रा गोथार आखु गुणफोरखों सोलॉंगोन। जौनि बर'माहारीनि उन जोलैनि फिसाफ्राबो सैथो आरो धोरोमखों गंग्लायनानै फालिनानै जानो रॉंगोन। होमब्लासो जौनि उन जोलैनि फिसाफोरनि गोबोंयाव साधक-साधणी-सती फिसा आरो बीर फिसाफोर जोनोम मोन्नो हागोन। जों सानोजे धोरोमनि रेखाखों जोनोमजों लोकोसेयैनो लानानै फैयायो होन्नानै। नाथाय गोबांसिन मानसिफ्रानो गाव-गावनि नाजानाय गोहोनि गुणजोंसो शक्तिखों मोनो हायो। जैरै गान्दारी, मन्ददरी आरो बर'माहारि बिमा हिरिम्बा, दैवकी कुन्ती देवी कौसुला, आरो सुमित्रा मोनहा गाव गावसिनि फुजिनय सैथोखों मानिनायावसो बिसोरो सतीनि गोहो गुणखों मोन्नो हादों। बिसोर बिमाफोरनि गोबोंआव बीर-महाबीर जोनोम मोन्नो मोन्दों। अदेबानि दा जौनि बर'माहारीयाबो सतीनि गोहो गुणफोरखों बुथुमनो नाजानांसिगो। जाहाथे जौनि बर'बिमानि गोबोंआव अमर बीर जोहोलाव जोनोम मोनो। बबेखानि बर'बिमानि गोबोंयावबो गोबां बर'बीर जोहोलाव जोनोम मोन्दोंमोन। नाथाय फोथाइ खेबस'बर'हारिया गावनि फिसाइखों बीर फिसा होन्नानै सिनाइ रोडैयाव निस्टुर गोसोयै फोजोबनानै लाबोदों। बिनिखायनो रावबो बीर जोहोलावआनो थावरि फुडाखँ।

हादतनि दर 23 राइज्योफोराव पटखाखौ बेन खालामनो हागौ

गोदान दिल्ली, 9 नभेम्बर : हादतआव करना आरो आवहावा गुबुंले जानायनि बारायनाय केसनि गेजेरजों माखासे राइज्योफोराव पटखानि सायाव होबथानो हागौ। एनजिटिआ दिने दर 23 था राइज्योफोराव 30 नभेम्बरसिमाव पटखानि सायाव होबथानाय अजदलाइनि सायाव थांखि खोनासंहोसिगोन। सुलुडाव फोरमायनाय बायदिल्ला, एनजिटिआ बेनि सिगां अजद लाइनि सायाव हियारिं खालामनाने दरबे राइज्योफोर आरो आवहावा



बिफाननो नटिस दैथायहरदोमोन। बे नटिसआव पटखानि सायाव होबथाग्रा अजदलाइनि सायाव फिन्नाय बिदोमोन। सुलुंनि बाइदिल्ला राइज्योफोरा गावनि फिन्नायखौ एनजिटिआव जमा खालामबाय।

बाजारफोराव सुबुंफोरनि होंगो-दोंगोआ बानायगासिनो दड। सुबुंफोरा करनाखौ गिनायखौ गारनाने सपिं खालामनो थाखाय न'नि बाइजोयाव ओंखारगासिनो दड। बेनि गेजेरजों थानाय रबिबारखालि दिल्लीनि बयनिखुइ मुकुबसिन जायगा राजिब चौक मेट्र स्टेसनआव रोजा रोजा सुबुंफोरा जमा जानो हमदों। बे मेट्रनि सिडाव ससियेल डिस्टेन्सिं आरो करना प्रटकलनि नेमखाइथि गोखों। बेनि सोमोन्दै एम्सनि आगुनि बिथोनगिरि डाक्टर एम सि मिश्राआ बुडोदि, हादतआ आनलक जाबाय। सुबुंफोरा न'नि बाइजोयाव ओंखारबाय। नाथाय करनानि बारायनाय गोखेथिनि गेजेरजों प्रटकलखौ आबुडे नोजोर लाखिनाया गोनांथार।

बारग' गिबि मन्थि मेहबुबा मुफिटआ राइज्योआव हाथियार दैग्रा सुबुंफोरखौ हेफाजाब होनाने जेनायाव

श्रीनगर, 9 नभेम्बर: जम्मु-काश्मीरनि बारग' गिबि मन्थि मेहबुबा मुफिटआ मोनसे बेले-बेजे गोखों बाश्नाखौ बुनायजों लोगोसे राइज्योआव हाथियार दैग्रा सुबुंफोरखौ हेफाजाब होदों। मुफिटआ बुडोदि, जायफोर साखि गैया बिसोरो राइज्योआव हाथियार दैगोन। राइज्योआव सोलिनाय थासारिखौ लानाने बारग' गिबि मन्थिआ बेबादि गोखों बेले-बेजे बाश्नाखौ बुंथिनायाव दासान्दि सावरयजदों। बारग' गिबि मन्थिआ बुडोदि, 370 आर्टिकलखौ बोखानायनि उनाव बिजेपि दोलोआ जम्मु-काश्मीरनि हा आरो साखि मोन्थायखौ सेनाने लादों। दग्रा हरिमुखौ रैखाथि होनो थाखाय 370 आ जोबोद गोनांथारमोन। जम्मु-काश्मीरआव जोंनो गार्सेबो होदोंमोन। नाथाय



बिजेपि दोलोआ बे गोनां आर्टिकलखौ बोखाना लानायनि जाहोनआव फार्सेनिफ्राय मोन्थायखौ खोमानाने लादों होनाने बुडो। बिजेपि दोलोखौ सावरयनाने बारग' गिबि मन्थिआ बुंवावोदि, दिनैनि सानआ बिजेपिनि सान, गाबोन जोंनिबो सान फेगोन। जेरै उनाल्ड ट्राम्पबादि बिसोरनि थासारिआ मोनसे समाव जागोन होनाने बुडो। सिमना ओन्सोलाव लामा खुलिनांगो आरो जम्मु-काश्मीर ओन्सोलाव

कंग्रेस दोलोनिफ्राय दासिम जेबो खेंफोरथि ओंखाराखै। मख'नो गोनादि, सानसेनि सिगां कंग्रेसआ फेगौ जिल्ला जौगाथाय गौथुमनि बिसायख'थिनि थाखाय बिजाथिखौ फोसावनायनि उनाव फारुक आबुल्लाहादिने बे बाश्नाखौ बुंथियो। आबुल्लाहा बुडोदि, जम्मु-काश्मीर कंग्रेस दोलोनि आफादिगिरि ए मीरआ गावजों लोगो हमनाने बुडोदि, जों मोनसेयैनो बिसायख'थियाव बाहागो लागोन। नाथाय कंग्रेसआ गोरबथा जानायनिफ्राय आलादा जानायनि सायाव सोंथि खालामनाने आबुल्लाहा बुडोदि, कंग्रेसआ बबेयाव आलादा जाखो बेखौ लानाने जेबो गोरबथा सानाडा जों डिडिसि बिसायख'थियाव मोनसेयैनो बाहागो लागोन।

बे बोसोरआव दिवालीआव चीना लाइटफोरखौ बाहायनाय नडा



हायेनआव चीनजों जानाय दावराव-दावसिनि जाहोनाव चीननि एम्सफोरखौ बेन खालामदोमोन। बेनि अनगायै माखासे फालांगि फसंथानआबो चीननि मुवा बेसादफोरखौ बोखारनाने होदोंमोन। जेराव चीननि लाइटफोर आरो बाथिफोरा गाहाय जादों। बे बोसोराव चीननि मुवा-बेसादफोरखौ बाजारफोराव नुनो मोन्नाय नडा। थानाय बोसोरनि माखासे स्टकफोर बेफारिफोरनाव जेना गोनां जादों। बांसिन सुबुंफोरा बे खेबआव भारतीय लाइटफोरखौ बिदों।

गोदान दिल्ली, 9 नभेम्बर : दिवालीनि फोर्बोआ सप्ताहनि उनाव जासिगोन। साजायनायखौ जागायहांबाय। बे बोसोराव भारतनि दिवालीआ जरखा जागोन, मानोना बे खेबआव हादतआव साफ्रोमोबेनि न'आव चीननि लाइटफोरनि अनगायै भारतआव

बानायनाय हानि आलारि बाथिनि जोंनायखौ नुनो मोनगोन। भारतआव बै बोसोराव बाजारवा चीननि लाइटफोर, लडिफोर आरो बाथिफोरखौ नुनो मोन्नाय नडा। बेनि अनगायै भारतीयनि नेमखाथि बायदियै बानायनाय हानि बाथिफोरनि बिनायाबो बांदों। बे बोसोराव गलबान

चीन आरो रासियाआ बाइडेननि देरहानायनि सायाव दासिम जेबो फिनजाथाइ होयाखै:सुलुं

वासिंटेन, 9 नभेम्बर : ज' बाइडेनखौ आमेरिकानि हादतगिरि महरै सायख'नायाव ब्रिटेनजों लोगोसे माखासे गुबुन हादतफोरा बिथानो हामलायथि बावहरदों। फेलेस्तानीआबो बाइडेननो हामलायथि बावहरदों। बेजों गनायनाय जायोदि, बियो थानाय 3 बोसोरनिफ्रायनो सोलिनाय हवाइट हाउसनि राजखांथिखौ फोजोबनो हासिगौ।



सोमोन्दोआव दैदेनगिरि सोलायनाया जेबो गोहोम गोलैया। अदेबानि गोदान हादतगिरिजों लोगोसेबो फालांगि आरो आवहावा सोलायनायनि सायाव हेफाजाब होलायगोन। बेनि गेजेरजों आथिखालाव बिथाडा गाव दासिमबो बाइडेनजों बाश्ना सावरायाखै।

गोजाम हेफाजाब होलायग्राफोरनि सोमोन्दोयाव जेबो रोखोमनि सोलायनाय फेनाय नडा। बेजों लोगोसे पेलेस्तानीनि हादतगिरि महमुद अब्लासआ थानाय रबिबारखालि गोदाने सायख' जानाय हादतगिरि बाइडेननो हामलायथि बाइडेननो हामलायथि बाइडेननो। बेराफार्से, इग्राइलनि गाहाय मन्थि

बेन्जामिन नेतन्याहु आ ज' बाइडेननो हामलायथि बावहरो। लोगोसे इरान आरो पेलेस्तानी बायदि आयदानि सायाव दावराव-दावसि जासेयावबो दरनै हादतनि गेजेराव थानाय गोखों सोमोन्दोफोरखौ बाखायो। बिथाडा हादतगिरिनो उनाल्ड ट्राम्पनो साबायख'रबो बावहरदों।

11 बोसोर सिगां कमला हेरिसखौ लानाने मल्लिका शेरावतनि इयुन बाश्ना फोसावनाया जाफुंसारबाय

गोदान दिल्ली, 9 नभेम्बर: दासान्दि आमेरिकानि लेडाइ हादतगिरि मासिआव देरहासारनाय कमला हेरिसखौ लानाने दुलाराय मुलुगनाडैनो रंजानाय बादिनो भारतयारि सुबुंफोरबो रंजानाय मुखुब थानाय नुनो मोन्दों। मानोना कमला हेरिसनि सोमोन्दोआ भारतजों सरजाबफानाय। बिथानि देरहानायखौ फावखुंगुर शत्रुघ्न सिन्हानिफ्राय लानाने बलिउडनि गोबांथार फावखुंगुर-फावखुंगुरिफोरनो हामब्लायनाय हरसोगारदों। बिसोरनि गेजेराव मल्लिका शेरावतआबो सासे। बिथाडा थानाय 11 बोसोर सिगां टुडट खालामनायाबो दासान्दि भाइरेल जादों। बै समाव मल्लिकाया कमला हेरिसखौ लानाने मोनसे इयुन बाश्नाबो फोसावदोमोन। इयुन बानीआव बिथाडा हेरिसनि खाफाल गेवगोनआ खाथियाव सौफेबाय होनाने बुंदोमोन। फावखुंगुरिआ टुडटआव कमला हेरिसखौ सानसे समाव आमेरिकानि हादतगिरि जागोन होनानेबो बुंदोमोन। अदेबानि मल्लिकानि बे इयुन बानीआ हादतगिरिनि



सोलार्यै 2020 माइथायाव लेडाइ हादतगिरि महरैसो जानो हाफैयो। मल्लिकानि बे इयुन बाश्ना बुनाया जौसे जौखोन्दो जाफु डाखैबलाबो 99 जौखोन्दोआनो जाफुंनाने फेदों। बेनि सिगांबो फावखुंगुर शत्रुघ्न सिन्हाया लेडाइ

नाथाय आथिखालाव चीन आरो रासियानि फार्सेनिफ्राय जेबो फिनजाथाय फेनायखै। सुलुडाव फोरमायनाय बायदिल्ला, रासियानि सायाव थानाय 2016 नि बिसायख'थियाव आखाय होनायनि दाय जाबसिन्दों। बेराफार्से चीननि सायाव करनाखौ लानाने ट्राम्पआ जागाय जेन्नायनिफ्रायनो गोलैबबोदों। बेनि सोमोन्दै ब्रिटिसनि गाहाय मन्थि बरिस जनसनआ बुडोदि, आमेरिकानि बिथानि हादतनि बयनिखुइ खाथिसिनि सोमोन्दो गोनां आरो मख'जाथाव हेफाजाबगिरि. दरनै हादतनि

सोमोन्दोआव दैदेनगिरि सोलायनाया जेबो गोहोम गोलैया। अदेबानि गोदान हादतगिरिजों लोगोसेबो फालांगि आरो आवहावा सोलायनायनि सायाव हेफाजाब होलायगोन। बेनि गेजेरजों आथिखालाव बिथाडा गाव दासिमबो बाइडेनजों बाश्ना सावरायाखै।

No. SLPRB/REC/PA/MISC/CORRESP-A/2020/16-A

NOTICE/CORRIGENDUM

Recruitment for Sub-Inspector (UB) in the Assam Police, in pursuance of the earlier Advertisement issued on 11.4.2018 & published in news papers on 12.4.2018.

With reference to the Advertisement issued on 11.04.2018 & published in news papers on 12.04.2018, this is hereby informed that the Written Test for the Recruitment for Sub-Inspector (UB) in Assam Police has been rescheduled on 22nd November, 2020. It is further notified that the duration of the Written test shall be 2(two) hours and the Test will be from 12 pm to 2 pm.

Admit Cards of 'Eligible Candidates' will be uploaded on the SLPRB website www.slprbassam.in and shall be downloadable from 6 days (16.11.2020) before the scheduled date of the Written Test (22.11.2020). Candidates requiring any clarification and assistance regarding the Admit Cards can contact the Toll Free Help Line No. - 1800212005599.

Candidates requiring further assistance for downloading the Admit Cards can approach Help Desks that would be set up in the Offices of the Superintendents of Police, in all Districts, on 19.11.2020 and 20.11.2020. Help Desks will provide necessary support after verification of all records.

Candidates shall bring a recent Post Card Size Photograph, which will have to be shown at the Entrance Gate of the Examination Venue and to be submitted to the Invigilator on duty at the time of the Written Test, in addition to the production of any one of the following documents, as identity proof, in original:

- Aadhar Card
- Passport
- Driving License
- PAN Card
- Voter ID Card

A self attested photocopy of the Identity Proof should also be brought by the Candidates and submitted to the Invigilator.

Candidates must not bring any mobile phone, smart watch, calculator, bags and ornaments or any other electronic gadgets to the Test Venue. Anyone found violating this rule shall be barred from appearing in the Test and his/her candidature shall be rejected.

All other important information shall be available on SLPRB website www.slprbassam.in and also on the Admit Card.

The timing of exam is from 12 pm to 2 pm. However, Candidates are to report at the entrance of the Examination Venue minimum 2½ hours (Two and a half hours) prior to the starting time of the exam i.e. they must report by 9:30 am, due to COVID-19 Protocols.

The following items are only allowed in the Examination Hall:

- Three (3) Ball Point Pens (Black)
- One (1) Pencil
- Eraser
- Face Mask
- Spectacles, if used by the Candidate
- I-Cards, photo copy of I-card, Post Card Size Photographs, Admit Card - issued as per this Advertisement.

No other item will be allowed into the Examination Centre and there will be no storage facility at the Entrance Gate or anywhere else in the Centre.

No. B/PJD/e-tender/2020-21/838-44 Dated Kokrajhar the 07/11/2020

Tender Name: PJD 50 ha ARP Makrijhara
PRESS NOTICE

The Divisional Forest Officer, Parbatjhora Division, Suparigat on behalf of Governor of Assam invites bids from approved and eligible Contractors registered with Public Works Department (Roads), Assam / Contractors registered with Bodoland Territorial Council in the category of Class-I (A, B & C) and Class-II for the following works:-

Sl. No.	Name of Scheme	Approved amount
1	50 ha Artificial Regeneration (Afforestation) Plantation at Makrijhara under Parbatjhora Division	1,28,56,558.00
Total Rs.		1,28,56,558.00

The details may be seen at the website <http://assamtenders.gov.in> and also in the Office of the undersigned during Office hours.

Sd/-
Divisional Forest Officer
Parbatjhora Division, Suparigat


IPR/BTC/48/2020

भिजा गैया जासे भारतयारिफोरा दर 7 हादतफोराव दावबायहैनो हायो

गोदान दिल्ली, 9 नभेम्बर : आथिखालाव नोंथाड न'आव थानानैनो पासपर्टखौ एप्लाइ खालामनो हासिगोन। बेबायदि समाव जुदि नोंथाड गुबुन हादतआव बेराय हैनो प्लानि खालामगासिनो दड्बला नोंथामोननि जेनाय जोबोद गोरलै जासिगोन। नाथाय



पासपर्टनि अनगायै गुबुन हादतआव थानो थाखाय भिजाखौ बानायनो बादोब्ला आरो गुबुन हादतआव बेरायहैनो लुबैदोब्ला, जों नोंथांनो औरैबायदि हादतखौ फोरमायनो नागिरदों, जेराव थानो थाखाय नोंथांनो भिजानि गोनांथि गैया। बेनि गेजेरजों भारतनि



खाथियाव थानाय नेपालआव थानो थाखायबो नोंथांनो भिजानि गोनांथि जाया। बेयाव थानायनि उनाव बांसिनै 150 साननि थाखाय भिजा अन एराइभल लानो हागोन। नेपालनि हाजो ओन्सोलफोराव बेराय हैनो गोसो दड्बला नेपालनि फार्सै थां, मानोना नेपालाव



हाबनो थाखाय नोंथांनो जायखि जाया फट गोनां आइडिल' थानांगोन।

बेनि अनगायैबो जामाइकाआव थानो थाखायबो नोंथाड जेबो रोखोमनि भिजानि जेबो गोनांथि गैया। बेनि थाखाय नोंथाड



कंग्रेस दैदेनगिरिनि बेले-बेजे बिबुंथि

(गोदान हादतगिरि बाइडेननि मदतजों 370 आर्टिकेलखौ बाहायगोन)

गोदान दिल्ली, 9 नभेम्बर: आर्टिकेल 370 खौ लानानै कंग्रेस दोलोनि गुबुन सासे दैदेनगिरिया बेले-बेजे बाध्या बुंथिदों। जम्मु काश्मीर लाइमोन कंग्रेस दोलोनि दैदेनगिरि जहांजेब सिरखाला बुडोदि, आमेरिकानि गोदानै बिसायख'जनाय हादतगिरि ज' बाइडेननि मदतजों जम्मु काश्मीरआव फिन आर्टिकेल 370 आरो 35 ए आयेनखौ लाबोफिनगोन। कंग्रेसनि दैदेनगिरिया बे बेले-बेजे बाध्याखौ मोनसे भिडिअनि गेजेरजों फोसावदों। भिडिअनि गेजेरजों आमेरिकानि बाइडेन आरो कमला हैरिसनि देरहानायखौ गहाम हामलायथि जासिहरदों। बे भिडिअयाव फोरमायनाय बायदिल्ला बाइडेननि देरहानाया सासे सुबुनि थाखायल' नड अदेबानि बेयो सासे सानो हनो गोरों सानसुमैनि देरहानाया। बे देरहानाया भारतनि राजखान्थि आरो जम्मु काश्मीरनि राजखान्थियाव गोहोम गोगलैगोन होन्नाँबो बुंनय जादों। दुलाराय मुलुगयावनो मुसलमान सुबुंफोरा बे देरहानायखौ बरायदों आरो जम्मु काश्मीरआवबो मोजां खौरों फैनो हागौ होन्नाँ बुंनयजों लोगोसे बाइडेनखौ भारत सरकारनि सायाव नारसिन हागोन होन्नाँ बुंदों। जेराव आर्टिकेल 370 आरो 35 एखौ जम्मु काश्मीरआव लाबोफिनो हायो। भिडिअनि गेजेरजों गासैबो बाध्याखौ मिथिहोनायनि उनाव खौरंगिरिजों मोगा-मोगि जानायाव कंग्रेसनि दैदेनगिरि सिरखाला गावनि बुंनय बिबुंथिखौ नेवसिगरानै बुडोदि, आं बाइडेननिफ्राय मदत बिनायनि बाध्या बुडखै।



गावनि पासपर्टल' लानांगोन आरो जामाइकानि थाखाय ओंखार लांनो हागोन। फिजिआ गावनि समायना नुथाइनि थाखाय मुंदांखा। बेयाव थानो थाखायबो नोंथांनो भिजानि गोनांथि गैया। बेराफार्सै कन्बडियाआव थानो थाखायबो नोंथांनो भिजानि गोनांथि जाया।



कम्बडियानि अन्कखाट मन्दिरखौथ' गासै मुलुगआनो मिथियो। बेयाव सौहैखानायनि उनाव बेनि थाखाय आर'ज गाबनो हागोन। मानोना बांसिनै 30 साननि थाखाय कम्बडियाआ भारतयारि नोगोरारिफोरनो भिजा अन एराइभलनि सुबिधा होयो। नोंथाड



गोमोथाव हाग्राबारि नाइनोब्ला साउथ आमेरिकानि इकुवेडरआव थानो हागोन। बेनि बयनिखुइ जर'खासिन बाध्याया बेनोदि, बेयाव जेबो रोखोमनि भिजानि गोनांथि जाया। बेजों लोगोसे चीननि मकाउआव थानो थाखायबो भिजा नाड। जुदि नोंथाड पार्टि आरो रंजा-बाजाखौ मोजां मोनोब्ला मकाउआव थानो हागोन।



इउएइआ इस्लाम आयेनखौ सोलायदों

डुबाइ, 9 नभेम्बर: इउएइआ आरब इमारेट सुंदरै इउएइ हादतआ गावनि हादरनि इस्लामिक पार्सनेल ल'आव माखासे आयेनफोरखौ सोलाय-सोल' खालामनायनि फोसावना होबाय। बे सोलाय-सोल' खालामनाय गोदान आयेननि गेजेरजों जुलि जायै जरा एबा सानै हौवा-हिन्जावआ जयै थानायनि गनायथिखौ मोनो हाबाय। बेनि अनगायैबो गोदान आयेन बायदियै जौ फानाय आरो बाहायनाय बेनि फारसे रेहाय होनाय जादों। इउएइआ मुस्लिम पार्सनेल ल'आव बे सोलायनायनि गेजेरजों गावआरि उदां थानो मोनाय गोहोआबो बांसिनदों। बेजों लोगोसे इउएइआ दावबायारि, गुबुन हादतनि फालांगिरि आरो दारिमिनखौ मुलाम्फायारि खालामनायनि थाखाय सोनाब हरिमुखौ जायगा होनाय जादों। बे गोदान आयेननि गेजेरजों इउएइ हादतखौ सिगां फारसे लानायनि मोनसे गिदि हवाफारि होन्नाँ सानाय जादों। फोसाबनाय आरो सोलायहोनायनि थांथिजों हादतनि रंखांथि आरो सामाजिक फसंथानायनि फारसेबो मुलुगानो मोनसे मोजां रादाबखौ बिलायदों। जेराव गुबुन हादतनि सुबुंफोराबो इउएइआव जायगा लानो हानायनि मोजां खाबु दं। बे

थांथिआ आमेरिकानि नाजानायाव इउएइ आरो इन्ड्रालनि गेजेराव सोमोन्दोआ साबसिन जानायनि गेजेरजोंनो जाफुंसारदों। सोमोन्दोनि गोखों जानायाव इउएइआव इन्ड्रालनि दावबायारिफोरा थांलाय-फैलाय खालामनायखौ बांसिन खालामनो हागोन आरो इउएइआव फालांगि खालामनायनि दर्जाखौबो गेवलाडै खालामना होदों। गोदान आयेननि बायदिल्ला 21 बोसोर बैसोनि एबा बेनि गोजाँयाव थानाय जायखि-जाया सुबुंफोरनो जौ लौनो हानाय, फानो हानाय आरो लाखिनायाव जेबो जुरिमना होनांनय नडा बेजों लोगोसे आजावना लानाय गोदान आयेनआव जुलि जायै एबा मोजां मोनलायनाय सेंग्रा-सिखलायाबो जयै थानो मोनायनि गनायथिखौ होयो। इउएइ हादतआव थांनय गोलाव समनिफ्रायनो बेयो मोनसे गोखों दाय गोनां जानानै थारोंमोन। इउएइ सरकार आइजोफोरनि मोन्थायनि रेखाथिखौ साबसिन खालामनायनि थाखाय मान-सन्मान होनायनि आयेनखौबो सोलायनाय जादों। बेबायदिनो गोदान इस्लामिक आयेनखौ सोलाय-सोल' खालामनायाव बे हादतनि सुबुंफोरा बांसिन मोन्थायखौ मोनफुंनो हानाय बाध्याखौ रायखंदों।

रंजालि गथ' फोरनि सौरा

मुखलं जोहोलाव

थारैनो नों सासे जोहोलावमोन गावनि हादरखौ सिबिग्रा, गावनि जोनोमफुरि हादरखौ मोजां मोनग्रा जोहोलाव। थै-थां जुजियै जुजियै हरिखौ खौसे लाबोनो नाजानाया थारैनो दमोन नोंनि गोथार गोसोआव। हानाय नड जों जेब्लाबो बावनो, बेबायदि हादर अनसुला जोहोलावखौ थस लाइनि जिउआ दिनैसिम आसखान्दा जादोब्लाबो नोंनि मावफारि जोहोलाव जारिमिना अरायबो जौनानै थाबाय थयो। एना एनि जानो रोडै सुबुंजों हरिखौ खौसेआव जौहा होग्रा नों थारैनो नों मुखलं जालांबाय। हरि सिबिसुला जेरावबो आखा फाखा राफोद हरि सिबिसुला नों मावथि मैनो रोडै बानो रोडै जिराया जासे नाजायो अरायबो मावनो सान हर। बावनो हाया जों बे बायदि जोहोलाव फोरंगुरुखौ। मोदोमाव हरिनि थैखौ लानानै हरि अनसायनाया मेगन गोसा सुथुरजों नोजोर होजाना थारैनो अबथिरा जिउआव नों मुखलं जालांबाय।

रंजासुलि बसुमतारि जायनारि

दुखुथिया बिमा

मा एसे गात्रि आयै नोंनि खाफालालाह सानबाबो सानसनो हाया..... फार्सैथिं साननाने नाययोब्ला हारसिडैगोर्बो खामगिललायानाय जुजायनि अर बायदि दोहो-दोहो.....। खाफाल हमनाने थाथ' आयै..... सानसे समाव जों बिग्राय फारि फोरजों दानलाय...सुलाइ जिउ होनाँब्लाबो लुगोन जों हिमालय हाजोआव वेल्दं न'। जांखि खांयो आयै बिग्राय फारिफोरा..... नोंल' दुफां बोथोरनि बार बायदि सिमत्रे-सिमत्रा हिउ-हिउ.... बारनाय बारोजों बिरफानानै जावलिआ जानो दासान। मा एसे गात्रि आयै नोंनि खाफाललाय। बबेबा लैथोनिफ्राय फैनय दै बाना बायदि... उलथांलाय फालथांलाय। दासान नों आयै हारसिडै जांखिखांनो माखासे आरमि पुलिसफोर बायदि। जों दं आयै जों दं..... जेब्लाबो दासाननो आयै दासान... जेब्लाबो नोंनि मेगननिफ्राय गहोनो बबेबा जायागानिफ्राय फैनय दैबानानि मोदें। मा एसेबां दुखुथिया आयै नोंनि महारालाइ। बिजिर- बिजिरनानै नायब्लाबो खुगायाव खुदें मेगनाव मोदें। मा एसेबां दुखुथिया आयै बे उजिगासेयाव जोंनि जोनोमालाय।

जाइखलं ब्रह्म सान्तिपुर, चिरां, बि टि आर

(1 बिलाइनिफ्राय)

गिबि मन्थिआ अन्थाय खाम्फा गाइसन्नायजों लोगोसे माखासे बिथांखिबो बेखेवदों

बेखेवनानै होयो। बेजों लोगोसे गिबि मन्थि आसाम दरसन बिथांखिनि सिडव बरनदि गनेश देबालयआव लुफुनाय मन्सखौबो बेखेवनानै होयो। गिबि मन्थिआ लोगोसे गनेश मन्दि हरिमन्दिर फोनांजाव लामानि समायनायै लुफुनाय खामानिनि गिबि हाबाफारिखौ जागायजेनायजों लोगोसे जायगानि मुकन्द काकति बास लाखिग्रा जौगाहोनयनि थाखायबो बेखेवनाय जायो। नलबारि हरिमन्दिर लुनाय मेलआव बिबुंथि लाखिनाय गिबि मन्थिआ बुडोदि, नलबारिनि बेयो मोनसे जरखा नायथावना जायगा जागोन। बेनिखायनो थानाय 4 बोसोर समाव माखासे खेब नलबारि जिल्ला दावबायफैदों होन्नाँ फोरमायो। नलबारिनि सोलौंथाय थासारिया राइज्योनि गेजेरावनो बांसिन जौगानायनि फारसे मदत होनो हानायखौ रायखानानै गिबि मन्थिआ आसामखौ भात हादतनि गेजेरावनो साबसिन राइज्यो महरै लानायनि बिथिडव नलबारिनि थागिबि सुबुंफोरा जरखायै बिफाव लानांगोन होन्नाँ बुडे। बिथाड बुंबावोदि, असमीया हरिखौ गोखौंसिन खालामनाय बिथिडव राइज्यो सरकार गोबां गोनांथार हाबाफारिखौ लानाय जादों। ट्राइबेलफोरनि मोन्थायखौ मोनफुं होनायनि थाखाय दसिम 1 लाख 10 रोजा हा गैजायै ट्राइबेल नख'रफोरनो हानि पाट्टा रानानै होनाय जारिमिनारि हाबाफारिनि गेजेरजों राइज्यो सरकार आसामनि ट्राइबेलफोरनि हानि सायाव थानाय मोन्थायखौ अरायथायै खालामनो आबु हेफाजाब दं होन्नाँ गिबि मन्थिआ बुंथियो। राइज्योनि बिबाना मोनसे सरकार सायख'नायवनो समआ जोबथायाखै होन्नाँ रायखाना गिबि मन्थिआ बुडोदि, सरकारनि मोनफोमबो खामानि-दामानियावनो सुबुंफोरा गोखौ नोजोर लाखिनांगोन। खुंथायखौ गेनाखांथि उदां खालामनायनि थाखाय राइज्यो सरकार आजावना लानाय राहाफोरखौ जाहाथे राइजो-राजाफोरा मोनो हायो आरो सरकारनि बिथांखि मावफुंनो थानायाव आबु हेफाजाब होनो थाखायबो राइज्योनि सुबुंफोरखौ फोसावो। बिथाड लोगोसेयै बुंबावोदि, इयुनाव लाइमोनफोरखौ मोनसे गेबं आरो गेनाखांथि उदां खुंथाय राहा खालामनानै लानांगोन। गहाय मन्थि नेरुद्र मदिआ सरकारि राहांनिफ्राय गुबुन गुबुन बिथांखिफोरखौ सरायसन्सा सुबुंफोरा जाहाथे थाबेनो मोनो हायो बेनि थाखाय नाजाथावगोन होन्नाँ गिबि मन्थिआ बुडे। आसाम सरकारबो गहाय मन्थिनि सबका साथ, सबका बिकास, सबका बिस्वास नितिति गेजेरजों गेबं आरो गोग्गोयै

सरकारि बिथांखिनि मुलाम्फाखौ सुबुंफोरनो होनायनि बिथिडव रायखानाजाथानायै जाफुंसारदों। बिथाड बुंबावोदि, सोलौंथाय बिथिडव राइज्योखौ सिगां फारसे लानानै थानायनि थाखाय राइज्यो सरकार बेसेन नाडै मुं थिसन्नाय, बेसेन नाडै बिजाब होनाय, बेसेन नाडै गानग्रा ड्रेस, परटेलनि मासुलखौ रेहाय होनाय, अभिनन्दन बिथांखिनि सिडाव फरायसाफोरनो लनि गेजेरजों रं मदत होनाय बायदि गोबां मुलाम्फायारि बिथांखिखौ आजावना लानाय जादों। गिबि मन्थिआ बुंबावोदि, साहा बागान ओन्सोलफोरनि सोलौंथायखौ जौगाखां होनायनि थाखाय सिगांनि सरकारफोरा जेबो रोखोमनि राहा लानाय जायाखैमोन। नाथाय आथिखालनि राइज्यो सरकार गं 119 आदर्श गोर्बो फरायसालिफोरखौ साहा बागान ओन्सोलफोरनि फसंनारनि राहा लानाय जाबय। बिगियान, फालांगि, आबाद, सोलौंथाय, गेलेनाय मोनफोमबो बिथिडवनो आसाम राइज्योआ आवागयनो हादों होन्नाँ रायखाना गिबि मन्थिआ बुडोदि, फेबाय थानाय सानफोरवबो आसामनि थागिबि राइजो-राजाफोरनि हेफाजाब आरो मदत थायोब्ला आसामखौ भारतनि 5 थि जौगाखां राइज्योफोरनि गेजेराव दरसे राइज्यो खालामनो हागोन होन्नाँ बुडे। गिबि मन्थिआ बुडोदि, थानाय 7 दान नाडै कभिड-19 नि हेंथायै आसाम सरकार राइजो-राजानि हेफाजाबाव दावहा बायदि जुजिनयाखौ सोलिहोबाय थादों। बे बिथाडव फाहामगिरि, नार्स, लेबेरेटरि टेकन'सियान, एम्बुलेन्सनि सालायगिरि, पुलिस गुबुन गुबुन बिफाननि हेफाजाबनि थाखाय गिबि मन्थिआ बिफानफोरखौ जरखायै साबायखर जासियो। बिथाड गावखौ सासे कृष्य भक्त होन्नाँ रायखाना नलबारि हरि मन्दिरव राज फोर्बों फालिनयनि गेजेरजों आसामनि धोराम फालिनया बिथिखौ बे फोर्बोंआ गाब गोनां खालामबोदों होन्नाँ बुडे। दिनै बेखेवनया आलासि जिरायसालि न'खौ समायनायै साजायना महर होनो हानायाव बायजोनिफ्राय रज फोर्बों नायनो फैनय दावबायारि आरो नायसंगिरिफोरनि थाखाय बेयो थोजासे मदत होगोन होन्नाँ गिबि मन्थिआ बुडे। दिनैनि बे मेलआव आसाम सरकारनि रोगाथाय बिफाननि मन्थि चन्द्र महन पाटवारि, नलबारि बियाबनि एमएलए अशक शर्मा, बरक्षेत्रि बियाबनि एमएलए नारायन देका आरो माखासे मानिजाथाव माननि सुबुंफोरबो बाहागो लादोंमोन।

चिरां जिल्लानि बिजनीआव बिसायख'थि फोसावदिनाय मेलआव मन्थि चन्दन ब्रह्म

सरकारनि सासे गोखों मन्थि जानानै बिसायख'थि फोसावदिनायनि मुखल बिटिसि हालामाव दुहाव थासारि खालामनो नाजानाया जोबोद सोंखास्थिवावना। मन्थि शर्माआ उदालगुरि जिल्लानि माजबातआव खुंनय बिजेपि दोलोनि बिसायख'थि फोसावदिनाय मेलआव बाहागो लानानै बिपिफननि नांगोलआ खामानि गैया, गोदें-गोखै थाइजोँजों रुजुनानै बाध्या बुंनयजों लोगोसे गुबुन बिथिडव बिपिफन दोलोखौ गोबां सावययदोंमोन। मन्थि शर्मानि बेबायदि बिसायख'थि फोसावदिनाय मेलआव बिपिफन दोलोखौ सावययनायनि फिनजाथायाव मन्थि चन्दन ब्रह्मआ बुडोदि, जेहेथु आसाम सरकाराव बिपिफन दोलोआ बिजेपि दोलोजों दंफायो। अदेबानि गोरोबथा सरकाराव सोलिबाय थानायनि गेजेरावनो मन्थि हिमन्त बिश्व शर्माआ बिसायख'थिनि मुलाम्फायाव सरकारनि लोगो दोलो बिपिफनखौ बेफोरबायदि बाध्याजों सावययनाया थारैनो दुखुनांथाव। लोगोसे मन्थि चन्दनआ गोखों बाध्याखौ बुडोदि, बिजेपि दोलोआ गोहो दंब्ला बिटिसिखौ सिमफायनानै दिनिथि आरो हिमन्त बिश्व शर्मानि गोसोयाव माबाफोर गोनांगोथो दंब्ला रोखा खालामनो मोनसे जुजिलाइनाय बाध्याखौ फोसावो। गावनि बिबुंथियाव चन्दन ब्रह्मआ बुडोदि, बिटिसि ओन्सोलआव बिजेपि दोलोआ जेसेबाइव गोखों खालामनो सिमां सुजुदों बे सिमाड माब्लाबाबो मोगथाडव जाफुंसारनाय नडा। मख'नो गोनांदि, बे बिसायख'थि फोसावदिनाय मेलआव आसामनि मन्थि पनिभुघन चौधुरिआ बाहागो

लानानै बुडोदि, दिनैनि समाव बिपिफन दोलोजों ज' जानानै गोजोन्याय मोन्दें। चौधुरिआ बुडोदि, जों बयबो मिथिगौ आगुनि बिटिसि आरो आथिखालनि बिटिसि बे मोनैनि गेजेराव गोबां फारग जानायखौ नुनो मोन्दें। थारैनो हाग्रामा महिलारिनि दैदेनयाव बिटिसि हालामआव गोबां जौगानाय फैदों होन्नाँ दाबि खालामो। आसाम सरकारनि गुबुन सासे मन्थि जानानै गहनो पनिभुघन चौधुरिआ सरकारा मुवा-बेसादिनि बेसेन बांनयाखौ होबथानायनि राहा लायाखै आरो जायनि थाखाय राइज्योनि सुबुंफोरा गोबां जेनाजों मोगा-मोगि जानांदों। गावनि बिबुंथियाव चौधुरिआ फेगौ समाव बिजेपि दैदेनया सरकारखौ गोखों फिन्याय होनो थाखाय राइजो-राजाफोरा थियारि जानांगौ होन्नाँ फोसावो। दिनैनि थुरिबारि बियाबआव एजिपि दोलोनि बिजाथि पार्तिजत रायखौ बिपिफन दोलोआ हेफाजाब होनो फोसावनायजों लोगोसे बे मेलआवनो एजिपि आरो बिपिफननि माखासे दैदेनगिरिफोरा बाहागो लानानै बिबुंथि लाखिदों। बिपिफननि दैदेनगिरि अन्जलि दैमारिआबो बे मेलआव बाहागो लानानै मन्थि हिमन्त बिश्व शर्मानि बुंनय बाध्याखौ रायखानानै गोखों रावजों फिनजाथाय खालामो। दिनैनि बे बिसायख'थि फोसावदिनाय मेलआव आथिखालनि राइज्यो सरकाराव थानाय गोरोबथा दोलो मोनै बिपिफन आरो एजिपिआ बिजेपि दोलोनि सायाव बेरेखा बाध्या बुंनयाखौ नोजोर होयोब्ला मोनथाम दोलोनि गेजेराव गोरोबलायनाय गावसाबाय होन्नाँ सान्जायो।

(1 बिलाइनिफ़्राय)

श्रीमन्त शंकरदेब कलाक्षेत्रनि २३ थि गायसन्थाय सान फालिनायाव गिबि मन्थ्रि सनवालआ बाहागो लादों

दिनै श्रीमन्त शंकरदेब कलाक्षेत्रनि २३ थि गायसन्थाय सानखौ गुवाहाटी पान्जाबारियाव थानाय श्रीमन्त शंकरदेबनि साइनासालियाव फालिनाय हाबाफारियाव बाहागो लानानै गिबि मन्थ्रि सर्वानन्द सनवालआ बे बाश्राखौ बुङे। बे हाबाफारियाव गाहाय आलासि महरै बाहागो लानानै गावनि बिबुंधियाव गिबि मन्थ्रि सनवालआ बुंदोंदि, समाजनि गेजेराव गोखों आरो गोहो गोरा खालामनायल' नङ, बबेखानि श्रीमन्त शंकरदेब कलाक्षेत्रआ गुबुन गुबुन बिथिङव गोबां रोखोमनि गुन गोनां सान्नि्र आरो सान्थोंफोरखौ जौगाहोनायावबो बिफाव लाबोदों। मख'नाय जायोदि, बे खेबनि श्रीमन्त शंकरदेब कलाक्षेत्रनि गायसन्थाय सान फालिनाया दावबायारिफोरनि थाखाय उदां आरो गेवलां जादों। बिथाङ गावनि बिबुंधियावको राइज्योयाव कलाक्षेत्रनि थाखाय मोनसे थांखि दानानै होनायजों लोगोसे राइज्योयाव गुरुजनानि सान्थौ आरो फोरोंनायखौ फोसाबनायाव कलाक्षेत्रआ मैखोमै बिहोमा होबोदों होन्नानै फोरमायो। श्रीमन्त शंकरदेब कलाक्षेत्रखौ गायसन्नायनि थाखाय राइज्योनि बारग' गिबि मन्थ्रि प्रफुल्ल कुमार महन्त आरो गुबुन दैदेनगिरिफोरनििसिम साबायखर जासिनानै गिबि मन्थ्रिआ बुंबावोदि, श्रीमन्त शंकरदेब कलाक्षेत्र समाजया राइज्योनि हारिमुबारि, समाजयारिनि गोगो आबहावा थासारि सोमजिहोनाय बिथिङव इयुन जोलै लाइमोनफोरखौ बांसिने गोसो बोहोनांगो आरो शुतुंगा होनांगो। श्रीमन्त शंकरदेब कलाक्षेत्र समाजखौ आसामनि अनगायै हादतनि दाब दाब जायगाफोराव दालाय कलाक्षेत्र गायसन्नांगो होन्नानैबो मख'यो। दिनैनि बे हाबाफारियावको गिबि मन्थ्रि सर्वानन्द सनवालआ गुवाहाटी जौगाखां बिफाननि गायसन्नाय गं १४ हाइमास्ट लाइटफोरखौबो बेखेवनानै होदों आरो श्रीमन्त शंकरदेब कलाक्षेत्र समाजनि गांसे इन्गमॅसन बुकलेड, मोनसे वेवसाइट, फेसबुक फेज आरो टुइटार एकाउन्टखौबो बेखेवना होदों। दिनैनि बे हाबाफारियाव गिबि मन्थ्रिजों लोगोसे एम एल एफोर अतुल बरा, सुमन हरिप्रिया, गिबि मन्थ्रिनि मेडिया एडबाइजाज ऋषिकेश गस्वामी, हारिमु अन्साय बिफाननि कमिसनार आरो सेक्रेटारि प्रितम शइकिया, श्रीमन्त संकरदेब कलाक्षेत्र समाजनि नेहाथारि सुदरचन ठाकुरजों लोगोसे गुबुन गोबां गोजू थाखोनि बिबानगिरिफोराबो दंफायोमोन।□

कक्राझारनि आर 'नाइ रेस्टुरेन्टयाव बारग' एन डि एफ बिनि दैदेनगिरि आरो केडारफोरजों सावराय मेल खुंदों

केडारफोरनि रिहेबिलिटेसन, सरकारनिफ़्राय मोनांगो अन्सुथायनि मोन्थायफोर, एन डि एफ बिफोरनि केस फोजोबनायखौ लाफानानै जोबथेसालियाव जोबनानै दोनजानाय केडारफोरखौ उदां खालामनांगोंनि सायाव गुवारै सावरायनाय जायो। बे सावराय मेलयाव गाहाय आलासि महरै बाहागो लाफैयो बि पि एफनि आफादगिरि आरो बि टि सिनि बारग' गाहाय खुंगिरि हाग्रामा महिलारिआ। मेलयाव बाहागो लानानै गावनि बिबुंधियाव हाग्रामा महिलारिआ बारग' एन डि एफ बि केडारफोरनि मोनांगो अन्सुथाय आरो रिहेबिलिटेसननिफ़्राय लानानै गासै जॅनाफोरखौ बोझानायनि राहा लागोन होन्नानै खोंथा होयो। बेबादिनो बारग' एन डि एफ बि केडार, दैदेनगिरि आरो हाग्रामा महिलारिनि गेजेराव माखासे सौनाय–फिन्याय आरो सावरायनायलायनि गेजेरजों खुंजानो गोनां बि टि सि बिसायख'थियाव मेलयाव बाहागो लाफेनाय गासै केडारफोरा बि पि एफ हान्जाखौ उदाडैहेफाजाब होनो थाखाय थांखि लानाय जायो। एरैहाय मेल जोबनायनि उनाव खौरंगिरिफोरजों मोगा–मोगि जानाय समाव हाग्रामा महिलारिआ बुङेदि, खुंजानो गोनां बि टि सि बिसायख'थियाव इउ पि पि एल आरो जि एस पिआ बि पि एफनि थाखाय पेक्टर नङ। बि जे पिआसो बि पि एफनि थाखाय पेक्टर जागोन। थैवल्लाबो बि जे पिआ बि पि एफखौ फेजेनो हानाय आरो बि टि सियाव सरकार दानो हानायनि गोहो गैया। बिथाङ बुंबावोदि, दासान्दि खौरां बिजोंफोराव बि जे पिनि दैदेनगिरिफोरा बि पि एफनि सायाव सोंखारिनाय आरो गग्लोबनाय बाश्रा बुंधिबाय थादोंब्लाबो नाथाय सैथो नङ। बि पि एफ आरो बि जे पिनि गेजेराव इसिडरि सोमोन्दो दं। बिसायख'थिनि समाव बि जे पि्या बि पि एफखौ सोंखारिगोन आरो बि पि एफआबो बि जे पिखौ सोंखारिगोन। नाथाय बेयो सा सान्राल'। गुबैयै हिमन्त बिश्व शर्माजों आंजों बुजा–बुजि सोमोन्दो दं होन्नानै हाग्रामा महिलारिआ बुंबावो। दासान्दि बि पि एफआ बर'नि अनगायै बि टि सिनि गासै हारिफोर जॅँ– नेपालि, आदिबाशि, राजबंशि, मुस्लिम बायदि हारिफोरजों सावरायगासिनो आरो बिसोर हारिफोरनि जॅनाखो बोझानायनि सायाव सरकारजों सावरायनाया सोलिगासिनो। बे हिसाबे गासै हारिनि सुबुंफोरानो बिसायख'थियाव बि पि एफ हान्जाखौ हेफाजाब खालामनो सिगांबोदों होन्नानै हाग्रामा महिलारिआ खौरंगिरिफोरनि सिगाङव फोरमायथिबावो।□

इउपिपिएल दोलोआ मोन ३० मासि देरहानानै बिटिआर सरकार दागोन: प्रतिभा ब्रह्म

सोलिगासिनो दं। राइजो–रजा भटारफोरनि गेजेराव मोनफ़्रोमबो दोलोआनो गाव–गावनि दोलोखौ बे खेबाव सरकार दागोन होन्नानै दाबि खालामनाय बाश्राखौबो रजखान्थिगरिफोरनि खुगानिफ़्राय खोनानो मोन्दों। बेबायदि समावको १७ बोसोर बिटिसि खुंथायाव थानाय बिपिएफ दोलोआ ४ थि खेबनि थाखाय सरकार दाफिन्नो हाफिनगोनखौ दाबिदार खालामना लानाय बाश्राखौ रायखानानै दिनै ११ नं बावखुंग्रि बिटिसि बियाबनि इउपिपिएल दोलोनि बिजाथि प्रतिभा ब्रह्मआ फिनजाथाय खालामो। प्रतिभा ब्रह्मआ बुङेदि, बिपिएफ दोलोआ बे खेबनि बिसायख'थियाव मोनसेबो मासिखौ देरहानाय नङ एबा लाथिख' मोनगोन। मख'नो गोनांदि, बिपिएफ दोलोआ इउपिपिएलखौ बिसायख'थियाव मोनसेबो मासि देरहाया होन्नानै सुबुं गौमानि गेजेरजों फोसावबोबाय थानायनि गेजेरावको बावखुंग्रि बियाबनि बिजाथि प्रतिभा ब्रह्मआ दिनै थोंजोडै फिनजाथाय खालामना बिपिएफखौ मोनसेबो मासि देरहानाय नङ होन्नानै बुङे। ११ नं बावखुंग्रि बियाबनि सिङव थानाय उजानपार आरो गेन्द्रबिलि प्राइमारि इउपिपिएल दोलोनि बान्जायनायाव खुंनाय हान्जा सुरनाय हाबाफारियाव बाहागो लानानै इउपिपिएल दोलोनि बिजाथि प्रतिभा ब्रह्मआ बुङेदि, बिपिएफ दोलोनि दैदेन्याय सरकारा थानाय १७ बोसोरनि गेजेराव राइजो–रजानि जेबो जौगालु बिथांखिफोरखौ मावफुङाखै। ओन्सोलाव थानाय गुबुन गुबुन हारि–हारिसानि राइजो–रजाफोर बिपिएफ खुंथायनि फेलें जानायनि जाहोनाव गोबां जॅनाफोरजों मोगा–मोगि जानांदों होन्नानै अजद खालामो। मख'नो गोनांदि, बे हान्जा सुरनाय हाबाफारियाव इउपिपिएल दोलोनि आइजो गांखं आफादनि आफादगिरि बिना गयारिजों लोगोसे इउपिपिएल दोलोनि गोबां दैदेनगिरि आरो हेफाजाबगिरिफोराबो बाहागो लादोंमोन।□

बि जे पि सरकारआ नटबन्दि आरो लकडाउनजों हादतनि सान्थ्र हायै न'फोरखौ सिं–स्र खालामदों: राहुल

गान्धीआ बुङेदि, हादतयाव गोजाम रां बिलाइ बन्द खालामनाय आरो लकडाउन खालामनायजों सानश्र हायै न'फोरखौ सिं–स्र, गोजोन गैयै आरो फोजोबस्रांदों। श्रीराम कलेजनि सासे फरायसाया जिउ फोजोबना लानायनि खौरांखौ लानानै राहुल गान्धीआ टुइट खालामना बुङेदि, बे दुखु नांथाव समाव फरायसानि नख'र'नििसिम दुखु रुजुनहरफायो। मिथिखा–हसिखायै खालामनाय रांनि बिलाइ बन्द खालामनाय आरो लकडाउन खालामनायजों बि जे पि सरकारआ सानश्र हायै नख'र'फोरखौ सिलिंखार आरो सुबुं गैयै खालामदों। बेयो सैथो, कंग्रेस दैदेनगिरिया जाय जाथायखौ खौरां लाहैदों, बेनिफ़्राय मिथिनो मोन्नाय बादिब्ला तेलेंगानानि लेडिश्रीराम कलेजनि सासे फरायसाया थानाय माखासे सानफोर सिगानिफ़्राय नख'र'नि रांखान्थियारि आंखालाव मोगा–मोगि जाबोनांनायनि जाहोनाव जिउ फोजोबना लादों। बे जिउ फोजोबना लानाय जाथायनि दायखौ राहुल गान्धीआ बि जे पि दैदेन्याय मिरु सरकारनि सायाव जाबसिन्दों।□

बागसायाव फरायसाफोरनि थाखाय बेसेन नाडै-आधार एनरलमेन्ट सेन्टार बेखेवदों

शर्माआ। बे हाबाफारियाव बिथाङ जिल्लानि से थाखोनिफ़्राय लानानै जिनै थाखोसिम गासै १ लाख ५० रोजा फरायसाफोरखौ सरजाबनानै लानाय जादों होन्नानै फोरमायथिनायजों लोगोसे गासै जिल्लायव गासै गं १२ आधार इनरलमेन्ट सेन्टार गायसन्नाय जादों होन्नानै बुंधियो। बबेखानि बे गं १२ इनरलमेन्ट सेन्टारफोराव जिल्लानि दाब दाब जायगाफोराव थानानैबो फरायसुला–फरायसुलिफोरनि जुनै बेसेन नाङजासे आधार कार्डखौ बानायनानै होनाय जादों।□

एसएसबि हान्जाया थै दान होनाय बादा खुंदों

थानाय एसएसबिनि मावखु'लियाव एसएसबि सान्थ्रिफोरा थै दान होनाय हाबाफारि बान्जायो। बे थै दान होनाय हाबाफारियाव ३१ थि एसएसबिनि खमैबो १०० नि बांसिन सान्थ्रिफोरा थै दान होदों।□

सालबारि इउपिपिएलनि सुबुं गौमायाव प्रमद बर'–इउजि ब्रह्मनि हुमखि

बाहागो लाफेनाय दिनैनि बे सुबुं गौमायाव मिरु इउपिपिएल दोलोनि आफादगिरि प्रमद बर'आ गावनि बिबुंधिनि गेजेरजों हाग्रामा दैदेन्याय बिपिएफ दोलोखौ गोखों रवजों सावरायो। बे सुबुं गौमानि मेलआवको प्रमद बर'आ सोलायनायनि गोनांथियाव इउपिपिएल दोलोनि सरकार होन्नानै स्ल'गान होना बुङेदि, थानाय १७ बोसोरव हाग्रामा महिलारिनि दैदेन्याय बिटिसिआव थाबोनाय मोनसेबो हारि–हारिसायानो गोजोन्नाय गैया। मानोना हाग्रामा महिलारि आरो बिपिएफनि दैदेनगिरिफोर हा्रि जौगानायनि मुङव फैन्याय मुलाम्फायारि सरकारि धोनफोरखौ लुथिनाय, जाख्ल'नायनि थाखायनो दिनै मोनसेबो हारि–हारिसायानो जौगाखाङाखै। हाग्रामा महिलारिया मडेल बिटिसि दाफुंनायनि बाश्रा बुंदोंमोनब्लाबो नाथाय हाग्रामानि मडेल बिटिसिआव गोबां हिंसायारि, बुथरनाय, गेनाखान्थि, गोरिबफोरनि धोन लुथिनाय बेफोरखोसो नुनो मोन्दों। बेनिखायनो बे खेबाव बिटिआरनि राइजो–रजाफोर भट होनायनि फारसे सांग्रां जाबाय आरो इउपिपिएल दोलोखौ सरकारव लाबोनो थियारि जादों। इउपिपिएल दोलोआ सरकाराव थानो हायोब्ला हाग्रामानि बिटिसि खुंथाय बायदि गेनाखान्थि खालामा होन्नानै बाश्रा होयो। इउपिपिएलनि दैदेन्याय बिटिआरआव थागोन मोनफ़्रोमबो हारि–हारिसानि गेजेराव गोजोन, थासारि, रैखाथि आरो जौगानाय। बे बाश्राखौ गोनांथार होनानै साफ़्रोमबो हारि–हारिसानि राइजो–रजाफोर गोदान सोलायनायनि लुबैन्यायखौ फोरमायदों। बे खेबनि राइजो–रजाफोरा दाबि खालामदोंदि, बिटिआरआव इउपिपिएल दोलोनि सरकार नांगौ, सोलायनाय नांगौ। बेनिखायनो रोखा जादोंदि, बिटिआरआव बिपिएफनि जोबनाय समआ फैंबाय। हाग्रामानि बिटिसिआव ज़ैरेबायदि बिपिएफ दोलोनि दैदेनगिरि, सोद्रोमाफोर आयेन बेरेखायै गेनाखान्थिजों लोब्बा थाबोदों, बेफोरखायदि इउपिपिएल सरकारनि समाव दोलोनि जाय सोद्रोमाफोर गोरिब सुबुंनि धोनखौ जाख्लयो, लुथियो बे सोद्रोमाखौ हान्जानिफ़्राय दिहुन्नाय जागोन। प्रमद बर'आ गावनि बिबुंधियाव बुङेदि, गोदान बिटिआर गोरोबथा बायदियै बिटिआरआव गोबां जौगानाय जागोन। मोनफ़्रोमबो हारि–हारिसायानो समानै जौगागोन। नाथाय हाग्रामा महिलारि, गन'सुखा पार्टीनि दैदेनगिरि नब' कुमार शरनियाआ बिटिआर गोरोबथाखौ हेंथा होदों। बिटिआर गोरोबथानि दफाफोर आबुडै मावफुं जायोब्ला सा–सान्जा ओन्सोलनि गेजेरावको बिटिआरआ मोनसे दुलागरय जौगानाय ओन्सोल जागोन। बेयाव थाबोनाय मोनफ़्रोमबो हारि–हारिसानि सुबुंफोर समान मरजादजों थानानै थानो होनो। हाग्रामानि बिपिएफ, नब' कुमार शरनियायि जिएसपि दोलोआ मोनसेयै लोगो नांना बिटिआरखौ फोजोबस्रानो नाजानायनि फाव फान्दायदों। नाथाय बे फाव फान्दायनाय सोलोखौ राइजो–रजाफोरनि हेफाजाबव इउपिपिएल दोलोआ उरायहोगोन होन्नानै बुङे। बिपिएफनि हेंथायै गोखों बाश्रा बुंधिनानै प्रमद बर'नि बायदिब्ला हाग्रामा महिलारिआ इउपिपिएल सरकार फैयोब्ला राइजो–रजाफोरा गुबुन गुबुन मोन्थायखौ खोमानांगोन। १७ बोसोर सम खुंथायाव हानि पाट्टा होनो सयै बिपिएफआ मोनफ़्रोमबो हारि–हारिसानि मोन्थायनि बाश्राखौ बुंनो लाजिनांगोमोन। गोरिबनि मुलाम्फायारि बिथांखिनि धोनखौ जाख्ल'ग्रा बिपिएफखौ बे खेबाव बोखारनानै ६ दाननि गेजेरावको इउपिपिएल दोलोनि दैदेन्याय सरकारा हानि मोन्थाय होनायजों लोगोसे बोसोरफ़्रोमबो १ लाख लाइमोनफोरखौ खामानियाव थिसन्नाय जागोन होन्नानै बाश्रा होयो। इउपिपिएल दोलोनि सालबारि जिल्ला लाइमोन दालाइ आफादनि आफादगिरि सत्यजित बर'आ सामलायनाय बे मेलआव राइज्यो सभानि बारग' एमपि आरो इउपिपिएल दोलोनि गाइसं आफादगिरि उर्खाव गोर ब्रह्मआ बाहागो लानानै इउपिपिएल दोलोआ गुबुन गुबुन हारि–हारिसानि सुबुंफोरनि समान जौगानाय, समान मोन्थाय होनो राइजो–रजाफोरनि गेजेराव फैदों आरो राइज्योनि सान्नाय–हनाय मिजिं लानानै इउपिपिएल दोलोआ फेगौ समव हाहामै खामानि मावलांगोन। ब्रह्मआ बुंबावोदि, बिसायख'थि समाव गोदान–गोदान सिमां दिन्थिनो राइजो–रजाफोरनि गेजेराव माखासे दोलोफोर हाबनो हागौ। नाथाय बेफोरबायदि सिमां दिन्थिग्रा सुबुं एबा दोलोफोरनि सान्थौआ राइजो–रजानि सान्नाय हनायखौ फोलोमनो हाया। १७ बोसोर जाख्ल'नाय, लुथिग्रा सुबुंफोर बिटिसिआवल' नड दिस्पुयवबो सरकारजों बाहागोदारि जानानै बिटिसिनि राइजो–रजाफोरनि सिमांजौ माबोरै आबुं खालामगोन होन्नानै सोंथि खालामो। इउजि ब्रह्मआ थोंजोडै नब' कुमार शरनियाखौ थारिखनानै बुङेदि, बिटिसि सिफायनायनि सोलायै बिथाङ बिटिसिनि गाहाय खुंगिरि जानोसो नाजदों। जुदि बिटिसिखौ सिफायनो सानोब्ला बिटिसिनि गाहाय खुंगिरि महरै मानो जानो फैदों होन्नानै सोंथि खालामबावो। बे मेलआव बिथाङा आरोबाव बुंबावोदि, दासान्दि बिटिसिआव थाइजौ गोखे आरो गोदे बे मोन्ने आययनि सायाव सोलिगासिनो। इउजि ब्रह्मनि बायदिब्ला जों नाथाय गोबांसिन गोखैबो जाया आरो गोबांसिन गोदैबो जाया। जों थोजासे आदरल' जागोन। माखासे सुबुंफोरा दासान्दि इउपिपिएल दोलोजों लोगोसे इसिं नोजोराव बुजिलायनाय दं होन्नानै नंखाय फोसावना माइनरिटि बिदा–फंबायफोरखौ गोरोन्थि लामाजों लानो नाजदों। नाथाय इउपिपिएल दोलोआ बिजेपिजों जेबो गोरोबलायनाय सोमोन्दो गैया होन्नानै रोखा बुंधियो। दिनैनि बे सुबुं गौमायाव सालबारि बियाबनि बिजाथि बिनद मुसाहारि, मथनगुरि बियाबनि बिजाथि साह'जाहान आलि आहमेद, इउपिपिएल दोलोनि मिरु आफादनि दैदेनगिरि रन्जन बसुमतारि, हिस्व्य चौधुरि, मयनुल हक, कनक बर', बिउति बसुमतारि आरो गोबां दैदेनगिरिफोरबो बाहागो लानानै बिबुंधि लाखिदोंमोन। मख'नो गोनांदि, दिनैनि बे सुबुं गौमानि गेजेरावको बिजेपिनि दैदेनगिरि थिराज देकाजों लोगोसे बिपिएफ, कंग्रेस आरो अबर' आफादनि सा ५०० निबो बांसिन सोद्रोमाफोर इउपिपिएल हान्जायाव हाबफैयो।□

आसामाव सा २१ फोरोंगिरिफोरखौ खादों

रिपर्टआव फोरमायनाय बादिब्ला माइन'रिटि फरायसाफोरनि प्रि–मेट्रिक स्कलारसिप फान्डयाव १० कौटि रांनि खेलेंखारि सोमजिदों। रिपर्ट बायदिब्ला सा ५१ पुलिस सान्थ्रिफोरनि मोनसे हान्जाया बे खेलेंखारि सोमजिनया जाथायनि सायाव राइज्योनि गुबुन गुबुन जिल्लाफोराव संदान्यायखौ सोलिहोगासिनो आरो बे खेलेंखारिजों लोब्बा थानाय गोबां दान्यानिरिफोरखौ खानो हाबवागोन। नायबिखरनायनि गेजेरजों दिने समबारखालि पुलिसनि हान्जाया गवालपारानिफ़्राय सा ७, दरंनिफ़्राय सा ७, कामरुप (मेट्र)निफ़्राय सा ६ आरो धुबुरिनिफ़्राय सासे फोरोंगिरिखौ खानो हादों। बिसोरनि गेजेराव सानैया आइजो फोरोंगिरि, साब्रैआ गाहाय फोरोंगिरिफोर, साथामआ सि एस पिनि बिगोमा, सासेया लोगो फोरोंगिरि आरो गुबुन सानैया सोलोंथाय बिफानाव फरायसालिनि नायगिदिंगिरि। मख'नाय जायोदि, मामुद हासान मुंनि सासे सुबुङा माइन'रिटि फरायसाफोरनि स्कलारसिप फान्डयाव खेलेंखारि सोमजिनानयि अजद होनानै गयर थिसन्नायनि उनाव सिआइडिया बे केसखौ आखाइयाव लानानै नायबिजरदों।□

बे खेबाव कक्राझारआव बिजेपि सरकार जागोना रोखा: हिमन्त

बिपिएफ दोलोखौ गोखों बाश्राजों गग्लोबनाय आरो फिनजाथाय खालामनाय बिबुंधिखौ खोनानो मोन्दों। उदालगुरि जिल्लानि अरानि धनश्रीघाटआव ४० नं रौता परिषद बियाबनि बिजेपि दोलोनि बिजाथि कस्तराम बार्लारिनि जानानै बिसायख'थि फोसावदिंनाय मेलआव बाहागो लानानै मन्थ्रि हिमन्त बिश्व शर्माआ गावनि बिबुंधिनि गेजेरजों बे खेबाव कक्राझारआव बिजेपि दोलोनि सरकार जानाया रोखा। हेलिकप्टरजों फैनानै दोलोनि फोसावदिंनाय मेलआव बाहागो लानानै मन्थ्रि शर्माआ गोरोबथा सरकारनि गुबुन सासे मन्थ्रि रिहन दैमारिखौ फारसेनिफ़्राय सावरायनानै बिबुंधिजों गग्लोबो। मन्थ्रि शर्माआ अजद खालामोदि, जौगानायनि लेखा बिलाइयाव बिपिएफ दोलोआ लाथिख'। जौगानायनि फेलेंथिखौ नोजोर होनानै बिटिसिनि राइजो–रजाफोरा बे खेबाव गेबें थांखिखौ लागोन आरो गोबां सुबुंफोरनि आबुं हेफाजाब मोनगोनखौ मिजिंथि लाखियो मन्थ्रि शर्माआ। गावनि बिबुंधियावको लोगोसेयै हाग्रामा महिलारिनि सिगाङव बुंनाय बिटिसिआव बिजेपि दोलोआ मोनैल' मासि देहागोन बुंनाय बाश्राखौ फिनजाथाय खालामना बुङेदि, दोलोआ बेनि बुंनाय बाश्रा बायदियै जायोब्ला बेयो आंनि बिबान जागोन। बेनि अनगायैबो बिपिएफ दोलोआ थानाय १७ बोसोरव बिटिसिनि राइजो–रजाफोरखौ जौगानाय खालामनो हायाखै होन्नानै अजद खालामबावो। मख'नो गोनांदि, सिलचराव पाकिस्तान जिन्दाबाद स्ल'गान होनाय आयदाखौ लानानै मन्थ्रि हिमन्त बिश्व शर्माआ बुङेदि, पाकिस्तान जिन्दाबाद स्ल'गान होग्रा सुबुंफोरनि हेंथायै गोबां गसर थिसन्नाय जाबाय। अदेबानि बे बेले–बेजेनि सायाव दासान्दि संदान्याया सोलिगासिनो होन्नानै मिथिहोयो।□

ट्राइबेल सुबुंफोरनि सायाव मन्थ्रि हिमन्तनि फोसावनायखौ गोजोन्नाय मोनाखै इन्डजेनियास ट्राइबेल साहित्य सभाया

आफादगिरि गबिन्ड ताइदनि आफाद दैदेन्याव जानानै थाङे। बे मेलआव मोनसे बिथांखिनि गेजेरजों थानाय अक्टबर दाननि ८ अक्टखालि आसामनि मन्थ्रि आफादनि मन्थ्रि आफादजों लोगोसे जानाय नैथि सावराय लायनायाव इन्डजेनियास ट्राइबेल साहित्य सभा, आसामनिफ़्राय आसामनि मोन ६ हरिसाफोरनो एसटि खालामनायनि बिथिङव ज़ैरेबायदि लिरथि महरै बुंनाय जादों, बे थासारियाव गोजोरै थागोन होन्नानै थांखि लानाय जायो। इन्डजेनियास ट्राइबेल सुबुंफोरखौ जुदि ख'हा खालामनाय जायो, अब्ला इन्डजेनियास ट्राइबेल साहित्य सभा, आसामआ मोनसे सुबुं सोमावसारनायखौ जागायजेनगोन होन्नानै थांखि लानाय जायो। दिनै गांसे रादाब बिबुंसारनि गेजेरजों इन्डजेनियास ट्राइबेल साहित्य सभानि आफादगिरि गबिन्द तायड आरो गाहाय नेहाथारि कमलाकान्त मुसाहारिया मिथिहोनाय बायदिब्ला जथुमनायाव नैथि बिथांखिनि गेजेरजों आसाम सरकारनि भाषा गौरव आसनि, २०१९ नि गेजेरजों होनो गोनां कर्पास फान्डनि बर' थुनलाइ आफादनो ५ कौटि रां आरो गुबुन ट्राइबेल साहित्य सभाफोरनो होनो गोनां ३ कौटि रांखौ फेगौ २०२१ नि जानुवारी दाननि गेजेराव दिहुन्नानै हरनो थाखाय आसामनि गिबि मन्थ्रिआरो सोलोंथाय बिफाननि मन्थ्रिनि खाथियाव दाबि खालामनायनि थांखि आजावना लायो। बेजों लोगोसे गिबि मन्थ्रि सर्वानन्द सनवालआ फोसावनाय बायदिनो असमोीया सा २००, बर' रवनि सा १०० आरो गुबुन ट्राइबेल रवनि थाखाय सा ५० थुनलाइगिरिफोरनो होनो गोनां ५० रोजा रांखौबे फेगौ बोसोरनि जानुवारी दाननि गेजेराव हरनो थाखाय दाबि खालामो। मेलआव ३ थि बिथांखिनि गेजेरजों आधिखालनि गाहाय मन्थ्रि नरेन्द्र मदिनि दैदेन्यायव एर्नाइए सकरा गोदान माहारियारि सोलोंथाय आयेन २०२० खौ फोसावनानै बेखौ २०२१ माइथायनिफ़्राय मावफुंनायनि थांखि लानाय हाबाफारिखौ बरायनाय जायो आरो गाहाय मन्थ्रि नरेन्द्र मदि, सोलोंथाय मन्थ्रि ड० रमेश पक्रियाल, आसामनि गिबि मन्थ्रि सर्वानन्द सनवाल आरो सोलोंथाय मन्थ्रि हिमन्त बिश्व शर्मानिसिम साबायखर जासिनाय जायो।

बे मेलआव गुबुन मोनसेबाव बिथांखिनि गेजेरजों आसामनि मन्थ्रि ड० हिमन्त बिश्व शर्माआ बिटिसिनि बिसायख'थि फोसावदिंनायाव उदालगुरि जिल्लानि माजबातआव आसामनि ६ थि फारिलाइयाव सोसमजानाय बिटिसि आरो गुबुन ट्राइबेल खोन्दो आरो रिजाभं ओन्सोलाव सरासनस्हा सुबुंफोए हा–बारि बायनाय आरो फान्नायनि थाखाय बेखेवनानै होनायनि थाखाय ज़ैरेबायदि गेवलाडै फोसावदों बेखौ लानानै गोजोन्नाय गैयै फोरमायदों इन्डजेनियास ट्राइबेल साहित्य सभा आसामआ। मन्थ्रि शर्मानि बेबायदि फोसावनाय होनाय बाश्राया बांलादेशि थागिबि धोरोमनि मायनरिटिफोरखौ भारतनि नोगोरारि बिथिङव बारायहोगोन आरो ट्राइबेल खोन्दो आरो रिजाभं ओन्सोलनि हा–बारिफोरखौ गथायनायनि फाव फान्दायनाय जागोन होन्नानै गोखों रवजों फिनजाथाय खालामो इन्डजेनियास ट्राइबेल साहित्य सभाया।□

मन्थ्रि प्रमिला रानि ब्रह्मनि बान्जायनायाव समाज अन्साय बिफाननि सावराय मेल

सावरायलायनाय जायो। बे मेलआवको हॉखायजानाय आलासि महरै बाहागो लाना मन्थ्रि प्रमिला रानि ब्रह्मआ बिफाननि खामानि दामानि मावनायनि सायाव गोजोन्नाय फोरमायो आरो फेगौ सानफोरावबो बिफाननि बिथांखिफोरखौ बांसिने जाफुंसार मावफुंनायनि थाखाय खौसेथियै खामानि मावनो फोसावो। कभिड–१९ महामारिनि जाहोनाव थाबथानाय मोनफ़्रोमबो खामानि दामानिखौ फिन गोदान हाबाफारिजों आबुडै मावफुंनायनि थाखाय बाहागो लानाय साफ़्रोमबो बिबानगिरि–कर्मसारिफोरखौ नोजोर लाखिनो फोसावो। बेनि अनगायैबो बे सावरायलायनाय मेलनि गेजेरजों मन्थ्रि ब्रह्मआ बिफाननि गुबुन गुबुन जॅनाफोरखौ समाधान खालामनायनि फारसे बिशोनि होयो। मोनसे गोजोन थासाारिनि गेजेरजों जागायजेन्याय मेलआव बिफाननि बिबानगिरिफोर जर'खायै जाफुंसारनाय बिथांखि, गथ'सा जौगाखां बिथांखि, पसन अभियान, प्रधान मन्थ्रि बन्धना यजनानि सायाव सावरायनाय जायो। बेनि अनगायैबो समाज अन्साय बिफाननि बिबानगिरि आरो कर्मसारिफोरनि मासियाव थिसन्नाय आरो गुबुन आयदनि सायावबो सावरायनाय जादों। दिनैनि बे गोनांथार जथुमनाय मेलआव बिफाननि सेक्रेटारि प्रबि्व काकति, पार्ट प्रटिम मजुमदार, समाज अन्सायनि सामलायगिरि देबला दासजों लोगोसे बिफाननि बिबानगिरि आरो कर्मसारिफोराबो बाहागो लादोंमोन।□

डनाल्ड ट्राम्पआ नेवसिनाय खामानिफोरखौनो आमेरिकानि गोदान हादतगिरि ज' बायडेनआ सिगांग्रो मावगोन

बादिब्ला बायडेन खुंथायनि समाव गिबियै कभिड–१९ खौ फोजोबस्रानाय, रांखान्थियारि आंखालनिफ़्राय उदां जानाय, हारियारि फारागथिखौ गैया खालामनाय आरो बोथोर सोलायनायखौ दबथायनाय। बेनि बागै बायडेननि हान्जानि बिबानगिरिफोरा मिथिहोदों। गोदानै सायख'जानाय हादतगिरि ज' बायडेन आरो लेङइ हादतगिरि कम्प्ला हेरिसमोनहा फारफ़्रोमबो बिथिङवको सिगानिफ़्राय साबसिन खालामनो थियारि जानायाव मुयुबै नांथावगासिनो। बायडेननि बान्जाया वेवसाइटयाव फोरमायथिनाय बादिब्ला बायडेन खुंथाया मोनब्रै सेक्टरआव गिबियै खामानि मावग्रोगोन। बे मोनब्रै सेक्टर एबा गुबै खामानिफोरा जादों कभिड–१९ खौ फोजोबस्रानाय, रांखान्थियारि जौगाहोनाय, हारियारि समान्थि आरो बोथोर सोलायनायखौ दबथायनाय। वेवसाइटयाव बुंबावदोंदि, हादतगिरि बिबान आजावनाय लोगो–लोगो बायडेन आरो हेरिसमोनहा करना महामारिखौ फोजोबस्रानायनि सायाव मोनिथि होगोन। बेनि अनगायै उननि समाव हादतगिरि बायडेनआ आमेरिकायाव लाख–लाख सुबुंफोरखौ मोजां खामानियाव थिसन्नाय, खामानि–दामानि मावनायनि थाखाय गासै कम्पानौफोरजों मोजाडै सोमोन्दो खालामनाय आरो आमेरिकानि खामानि मावना जाग्रा नख'रफोरनो सरकारनि हेफाजाब होनायनि सायावबो खामानि मावनो थांखि लादों। मख'नाय जायोदि, मुलुगानि गेजेरावको आमेरिकायाव कभिड–१९ महामारिया गाब्रिसिने गोहोम गोलैदों। बे हादतयाव दासिम ९८ लाखनि बांसिन सुबुंफोरनाव करना भाइरास सन्देर्दों आरो बे गिखंथाव भाइरासजों दासिम २ लाख ३७ रोजानि बांसिन सुबुंफोरा जिउ गोमाबाय।□

जमदुवारआव बिपिएफ दोलोनि सुबुं हान्जा सुरनाय हाबाफारि खुंदों

जमदुवार खोन्दो लाइमोन बिपिएफ आरो बिएसइउनि बान्जायनायाव मोनसे हान्जा सुरनाय हाबाफारिखौ खुङे। बे हाबाफारियावको ४ नं जमदुवार बिपिएफ दोलोनि बिजाथि रेवरेवा नाजिहारिजों लोगोसे बिपिएफ दोलोनि दैदेनगिरि आरो गोबां हेफाजाबगिरिफोरा बाहागो लानायाव माखासे जान्थायसिम हान्जा सुरनाय अँखारो। बिजाथि रेवरेवा नाजिहारिया हाबाफारियाव बाहागो लानानै बुङेदि, बे हान्जा सुरनायखौ जमदुवार खोन्दोनि गासैबो प्राइमारियावको लानाय जादों आरो बे हाबाफारियाव गासैबो प्राइमारिनि गुबुन गुबु

बलिउडआव एन्थलजि सावथुनफोरा बयखौबो मुजिहोयो

गोदान दिल्ली, 9 नभेम्बर : हिन्दी सावथुनआ गावनि सानफोरजों लोगोसे एखेराहायै नाजादों। सल 'फोरखौ' बुनायनि नेमखान्थिआबो आलादा। आथिखालाव 2 घन्टासि सावथुनआव माखासे सल 'फोरखौ' बानायगासिनो दड। बेखौ एन्थलजि सावथुन बुनाय जायो। बेवहाय आलादा आलादा सर्ट सावथुनफोरनि कम्प्लेसन जायो। 'डरना मना हे, दस कहानिया, बम्बे टर्कोज, आइएम, मुम्बाइ कर्टि, बायदि माखासे एन्थलजि सावथुनफोरखौ बानायखांबाय। डिजिटेल प्लेटफर्मआव



फैनायनि उनाव नेटफिल्सआव 'लस्ट स्टरीज, घस्ट स्टरीजआ फैंदों। आथिखालाव सावथुन मेकारफोराबो बेबायदि सावथुनफोराव गोबां गोसो

होदों। थानाय सानफोराव जी-5 आव फारबिडन लाभआ फैंदों। आथिखालाव अनुराग बासुनि बिथोन होनाय सावथुन 'लुड'आ नायगिरिफोरनि गेजेराव फैसिगोन। फार्सेथिं अनुभव सिन्हाया करना इनफेक्सननि सल 'फोर' आरों मोन्दाथिफोराव बिथा खालामनाय मोनसे एन्थलजी सावथुनखौ बानायनो फोसावदों। बेनि थाखाय बियो सा 4 सावथुन मेकार हन्सल मेहेता, सुधीर मिश्र, केतन मेहेता आरों सुभाष कापुरजों आखाय हमलायदों। अनुराग बासुनि बिथोन होनाय लुड'आ 12 नभेम्बर आव नेटफिल्सआव रिलीज जागोन।

नुसरत मरुचाआ गावनि ग्लेमार्स लुकजों फेन्सफोरनि गोसो बोनो हादों

गोदान दिल्ली, 9 नभेम्बर : बलिउडनि फावखुंग्रि नुसरत भरुचाया एक्टिनि अनगायै गावनि फेसन सेन्सखौ लानानैबो मुंदांखा। आथिखालाव बियो ससियेल मिडियाआव लेटेस्ट फटसुटनि गावनि माखासे सावगारिफोरखौ सेयार खालामदों, जायखौ नायगिरिफोरा गोबां मोजां मोन्दों। सावगारिफोराव नुसरतखौ कलर्ड टपआव नुनो मोन्दों। बेजों लोगोसेनो बियो एखे गावनि पेन्ट गान्दों। बे सावगारिफोराव बिखौ गोबां समायना नुनो मोन्दों। नुसरतआ गावनि खानायखौ हगारसारदों जाय बिनि जुथाइखौ समायसिन होदों। बे सावगारिफोरखौ गोबां लाइक आरों सेयार खालामनाय जादों। फेन्सफोरा कमेन्ट खालामनाय बिखौ गोबां बाखायदों। बियो 'सनु के टोटू की स्वीटी' आरों 'ड्रीम गार्ल' बायदि सावथुनफोराव गावनि मोजां एक्टिं खालामनायजों फेन्सफोरनि गोसोखौ देरहानो हाखांबाय। आथिखालाव नुसरतआ गावनि गोदान सावथुन 'छलांग'खौ लानानै खौराडव थाबाय थारों। सावथुनआव बिखौ राजकुमार रावनि



अपजितआव नुनो मोनगोन। बावैसो समाव सावथुननि ट्रेलारआ रिलिज जाबाय, जायखौ गोबां मोजां मोन्दों। नुसरत भरुचानि बे सावथुनआ 13 नभेम्बरआव एमेजन प्राइम भिडियआव रिलिज जागोन। बे सावथुनखौ हन्सल मेहेताया बिथोन होदों। बेनि अनगायै बिखौ सावथुन 'हुड्डंग'आव फाव खालामनाय नुनो मोनगोन। सनी कौशल आरों बिजय बर्माआबो बे सावथुनआव बाहागो लादों। बेयो मोनसे लाभ स्टरी सावथुन, जाय 1990 आव एलाहाबादआव जानाय स्टुडेन्ट आन्दलननि सायाव बिथा खालामनाय।

अख्रामायाव गिबि खेब सुटिं

खालामनो थाखाय थियारि जादों

गोदान दिल्ली, 9 नभेम्बर : सावथुन मेकारफोरा गाव गावनि सावथुनफोरखौ मोगथाडारि महर होनो सुटिंनि थाखाय सावसिननिफ्राय सावसिन जायगाखौ नागिरो। आथिखालाव सावथुन मेकारफोरनि मुलुगनि सायाव नोजोर होनाया आइएसएसआव थाबथाबाय। आइएसएसआव सुटिंनि थाखाय रुसआ सिगांनिफ्रायनो थियारि खालामदों। रुसनि स्पेस एजेन्सि रस्कसमसआ सावथुनखौ बानायनो थाखाय हादतनि बयनिखुइ देरसिन टिभि सेनेल 'सेनेल वन' जों लोगोसे रादाय खादों। आथिखालाव बे बादायलायनायाव रुसजों जुजिनो थाखाय आमेरिकाया आवगयबोदों। हलितुडनि सुपारस्टार टम क्रुजआ सिगाडावनो नासाजों खौसे

जानानै हारिमायारि स्पेस स्टेसनआव सुटिं खालामगोनखौ फोसावखांबाय। रुसनि एजेन्सि तासनि बायदिब्ला ओरैबायदि फावखुंग्रिखौ नागिरासिनो दड जायनि बैसोआ 25 बोसोरनिफ्राय लानानै 45 बोसोरनि गेजेराव जानांगौ। फावखुंग्रिखौ सायख'नो थाखाय मानदान्दाखौ थि खालामनाय जादों आरों जाय फावखुंग्रिखौ बिसायख'थियाव सायख'नाय जागोन, बियो गोखों ट्रेनिंजोंबो मोगा-मोगि जानांगोन। बेबायदिनो फावखुंग्रिखौबो सायख'नाय जागोन। सावथुननि मुड 'दा चेलेन्ज' जानो हागौ। फार्सेथिं टम क्रुजआ 2021 नि अक्ट'बरआव एलन मस्कनि रकेट क्रु ड्रेगन स्पेसशिपजों आइएसएसआव थानो यजना बानायदों।

बाइडेनखौ गोब्राब रावजों सावरायदों कंगनाआ

गोदान दिल्ली, 9 नभेम्बर : आमेरिकानि हादतगिरि बिसायख'थिआव ज' बाइडेननि देरहानायाव कंगना रनटआ गोखों बाथ्रा बुंदों। बियो गोदानै सायख'जानाय हादतगिरिखौ गजनी होन्ना फोरमायदों आरों लिरदोंदि, बियो बोसोरनाडैबो फुरा खालामनो हानाय नडा। लोगोसेनो आमेरिकानि गिबि आइजो लेडाइ हादतगिरि जानाय कलमा हेरिसनि देरहानायाव गोजोन्यायखौ फोरमायदों। कंगनाया गावनि टुइटआव लिरदों। गजनी बाइडेननि सायाव फोथायनाय गैया, जायनि डाटाया 5 मिनिटआव जोबलाडो। गोबां मुलिफोरखौ बिनियाव इन्जेक्ट खालामनाय जायो। बियो 1



बोसोरनिफ्राय बांसिन टिखिनो हानाय नडा आरों बेयो रोखादि कमला हेरिसनो श्व'खौ सालायगोन। जेब्ला सासे आइजोआ आवगयबोयोब्ला बियो साफ्रोमबो आइजोनि थाखाय लामाखौ बानायो। बे कंगनाया गावनि टुइटआव जाय गजनी सोदोबखौ बाहायदों,

बियो जादों आमिर खान, जाय 2008 आव रिलिज जादोंमोन। सावथुनआव आमिरआ जाय फावखौ दिन्थिदोंमोन, बियो 5 मिनिट उनाव गासिबो बाथ्राफोरखौ बावो। कंगनानि पस्टखौ लानानै माखासे ससियेल मिडिया इउजारफोरा बिखौ टूल खालामदों।

हेली बीबरआ गावनि प्रेग्नेन्सीनि

खौरांखौ रोखा खालामदों

गोदान दिल्ली, 9 नभेम्बर : जास्टिन बीबरनि बिसि आरों मडेलार हेली बीबरआ गावनि प्रेग्नेन्सीनि नंखाय बाथ्रा बानसावनायखौ रोखा खालामदों। बेनि खौरांखौ सेयार खालामनो थाखाय हेलीआ इन्स्टाग्राम स्टरीआव



पस्ट लिरदों। बियो पस्टआव लिरदों 'आं प्रेग्नेट नडा'। मडेलारनि बायदिब्ला मोनसे पाब्लिकेसनआव बिरनाय जादोंमोनदि, गाव बिमा जासिगोन। हेली बीबरआ बेखौ रोखा खालामनानै लिरदों आंनि सायाव नंखाय बाथ्रा बानसावनायखौ बन्द खालाम आरों बिसायख'थिनि फारसे

नोजोर हो। हेली आरों जास्टिनआ दासिमबो बिमा-बिफा जायाखै नाथाय बिसोरनि गथ' मोन्नोंसैनि बाथ्राया गोसारदों। फेब्रुवारीआव जास्टिन बीबरआ बुंदोंमोनदि, गावना माखासे समनि उनावनो नख'र जासिगोन। नाथाय बेनि सिगां गाव टु-डु लिस्टखौ फुरा खालामनो हास्थायदों।

करना भाइरासखौ होबथानो

जेनेभा, 9 नभेम्बर: डेनमार्कआव SARS-CoV-2 नि आलादा रोखोमनि करना सन्देरनाय सा 214 सुबुंफोरनि देहायाव पजिटिभ रिपर्टखौ मोन्नों हारदों। मख'नो गोनांदि, थानाय 5 नभेम्बरखालि

गोजौआव मख'नाय पजिटिभ केसनि गेजेराव सा 12 सुबुंफोरनि देहायाव गुबुन मोनसे रोखोमनि करना स्ट्रेइन्खौ मोन्नों हारदों। बे बाथ्राया सोराडाव फेनायनि उनावनो मुलुगआव गुबुन मोनसे खैफोदआ

गाहाम देहानि राहा

पालें मैगड बिखाजों लोगोसे खर'नि थाखायबो मुलाम्फा गोनां

पालें मैग जानो मोजां मोनग्राफोरा गोजां बोथोरखौ हांखुरे नेनानै थायो। मानोना बे मैगडा देहानि मुलाम्फाजों लोगोसे स्वादिन थाखायबो सायख'जाथाव। निउ मैक्सिक'स्टेट इडनिभासिंस्टिनि आथिखालनि नायबिजिरनायाव बेखौ बिखा आरों खर'नि थाखाय मुलि महरै फोरमान मोन्दों। नायबिजिरग्राफोरनि बाइदिब्ला, पालें आव भिटासिन-ए, ल्युटिन आरों केरटिन बाइदि एन्टिअक्सिडेन्टखौ गोबां बिबाडाव मोन्नों हायो। बे तत्वआ फ्रि-रेडकेलखौ देहा तन्त्रनि जिबिखिफोरखौ ख'हा खालामनायनिफ्राय होबथायो, जायजों बैसो जानायाव गोसोयाव थायै आरों देहानि गोहोया बाडाइ जानायनि जेनायाव गोग्लैया। अदेबानि डिप्रेसननि लोखोननिफ्राय रेहाय होनाय आरों सांग्रांथि बांहोनायावबो पालेड जर'खायै हेफाजाबगिरि महरै फोरमान



जानो हागौ। फ्रिजआव दोन्नायनिफ्राय जानगाराव थानो बोसोन होदों। बिथाड फोरमायदों बांदाय गुसु जायोब्ला पालेडाव थानाय गाहाय गुनआ नस्ट जायो। आथिखालाव बेखौ जूस एबा स्मुदीयावबो लगायनाया सावसिन जायो। पालेंखौ नेम बायदिदियै जायोब्ला डिमेन्सियानि खैफोदआ 20 जौखोन्दोसिम दावखलायो। बेयाव गोबां बिबांनि आयरन थानायनि जाहोनाव थैनि जिबिखिफोरखौ जौगाखांहोनायाव मदत होयो आरों एनिमियानि जेनाखौ जानगार खालामो।

ग्रीन टीआ मेगननि नुनो हानाय गोहोखौ बांहोयो

जुदि सानसेयाव नोंथाड 2 कापनिफ्राय बांसिन चाहा लोडेब्ला देहा सोलेरनि थाखाय खहा गोनां जानो हागौ। जुदि चाहा लोंनाय हुदाखौ गारनो हाथाराखैब्ला ग्रीन टीखौ लोंनांगौ। मानोना ग्रीन टीआ देहा सोलेरनि थाखाय मुलाम्फा गोनां। गाहायाव ग्रीन टीनि माखासे मुलाम्फा मोन्नायखौ फोरमायनाय जाबाय। 1. गरम बोथोराव गावबा गावखौ सानदुनिफ्राय रैखाथि होनो गोबां नाजायो। नाथाय थेवब्लाबो टेनि आरों सान बार्न बादि जेनाया सोमजियो। बेनिफ्राय रैखाथि मोननो थाखाय सानस्क्रिन आरों सान ग्लासेजनि अनगायै गावबा गावनि डाइटयाव ग्रीन टीखौ लाफादेर। बेयो साननि रोदानिफ्राय स्किनखौ रैखाथि होयो। 2. ग्रीन टीआव मोन्नाय एन्टी अक्सिडेन्टसआ मेगननि



टिस्त्युजनि थाखाय मुलाम्फा गोनां जायो। बेजों मेगननि नुनो हानाय गोहोआ बाडो। जुदि मेगननि नुनो हानाय गोहोआ लोरबांब्ला ग्रीन टीखौ गावबा गावनि डाइटयाव लाफा देरनांगौ। 3. देहानि लिरथाया बांनायाव जेना नुजादोंब्ला नेम-खान्थि बादियै 1 खाप ग्रीन टीखौ लोंनांगौ। बेवहाय थानाय एन्टि अक्सिडेन्ट आ देहानि लिरथायखौ खम खालामनायाव हेफाजाब होयो। लोगोसे ग्रीन टीआ कलेस्ट्रलखौबो सामलायो।

4. जापाननि बिगियानगिरिफोरा गावसोरनि आन्जाद नायनायाव मोन्दोंदि, ग्रीन टीआ हाथायखौबो गोखों खालामो। बिगियानगिरिफोरनि बादिब्ला बेवहाय थानाय एन्टिमाइक्रुबियल एन्टि अक्सिडेन्ट आ हाथायखौ गेसाव खालामग्रा बेक्टिरियाखौ जानगार खालामो। संदानायाव मोननो हादोंदि, जाय सुबुंफोय सानफ्रोमबो 1 काप एबा बेनिफ्राय बांसिन ग्रीन टी लोडे बेसोरनि हाथाया सम जायैयावनो गया आरों केबिटीनि जेनायाबो सोमजियो।

डेनमार्कआव गोनांथार हाबाफारि लादों

फेबावदों। खौरां एजेन्सिनि रिपर्टनि बादिब्ला, करना भाइरासआव सोलायनायखौ लानानै डेनमार्क सरकारआ 1 कौटि 70 लाख नेवलाइखौ बुथारायनि थांखि लादों। बे गोदानै मोन्नाय केसआ नेवलाइजों गोरोबफानो हागौ होन्नायै बुनाय जादों। फार्सेथिं मुलुगनां देहा आफादआ मिबिथिहोनाय बादिब्ला, नेवलाइजों आन्जाद खालामनायाव गोदानै फेनाय भाइरासखौ होबथानायाव हेफाजाब मोन्नों हागौ। डेनमार्कआव करना भाइरासनि सोलायनाय एबा गुबुन गुबुन रोखोमनि बे करनाजों दासान्दि सुबुंफोरनि देहायाव सन्देरनो हामदों। कपेनहेगनआव थानाय इस्पियान मावख'आव मुलुगनां देहा आफादआ जथुमनायनि गेजेरजों बुडेदि, गोदानै फेनाय

बे भाइरासआ मुलुगनि थाखायनो आरोंबाव गिथावना जानो हागौ। डब्लिउइसअनि बिबानगिरि केटरिना बुडेदि नेवलाइआ सुबुंफोरखौ करनाजों सन्देरनायनि फाहामथाय होनायाव गोनांथार मदद होनो हागौ। बेनि गेजेरवनो सोंथि सिखारदोंदि, करनाजों सन्देरजानायनि थाखाय मुलुगनि गेजेराव जायफोर टिका एबा भेक्सिननि खामानिया सोलिबाय थारों बे बिथिडव गोदानै सोलायनाय भाइरासनि थाखाय माबोरें मदद होगोन। जुदि टिके एबा भेक्सिनआ जेबो खामानियाव होयाब्ला मुलुगनि गेजेरवनो सुबुंफोरनि फार्से गिदिर खहा जानो हागौ। बेफोरबादि जाथावनाजों दासान्दि जिगा सिनाय फोरमायदों। खौरां बिजोंनि एजेन्सि रिपर्टनि बादियैब्ला मुलुगनां देहा आफादनि गोखोयारि सौमिया

स्वामी नातनआ बुडेदि, बेनि सायाव बुनाया गोनांथार जादोंदि, डेनमार्कआव मोन्नाय करनानि गोदान सोलायनाय नस्त'एबा स्ट्रेइन भाइरासनि गोसारनाया सुबुंफोरनि फार्से गिखंधावना। नाथाय बेनि सायाव नायबिजिरसनायखौ लानानै रोखा जानो थाखाय एसे सम नेनांगोन। स्वामी नातनआ बुडेदि, करना भाइरास गोसारनाय थासारिआव भेक्सिन दिहनाय खामानिआ बे बिथिडव बेसेबां हेफाजाब होगोन-होया बेनि सायाव दासिम जॉनि आखाइयाव जेबो फोरमान गैया। मुलुगनां देहा आफादआ दासिम गोदानै फेनाय करना भाइरासनि सायाव जेबो फोरमानखौ बुथुमनो हायाखै आरों बे भाइरासखौ होबथानायाव जों मोनसे गोलाव हाबाफारि लानांगोन होन्नायै मिबिथिहोयो।

कमला हेरिसनि फिसाइआ आमेरिकानि गिबिसिन सेकेन्ड जेन्टेलमेन जागोन

निउयर्क, 9 नभेम्बर : भारतनि थागिबि कमला हेरिसआ आमेरिकानि लेडाइ हादतगिरि महरै सायख' जानानै जारिमिनखौ सोरजिनो हादों, लोगोसे बिनि फिसायआबो आमेरिकानि थाखाय मोनसे गोदान जारिमिनखौ बानायनो थांगसिनो दड। हेरिसआ



जेब्ला गिबि आइजो लेडाइ हादतगिरिनि महरै समाय लागोन अब्ला बिनि फिसाय डगलस एमहफआ आमेरिकानि गिबि सेकेन्ड जेन्टेलमेन जासिगोन। आमेरिकायाव हादतगिरिनि बिसिखौ फार्स्ट लेडी आरों लेडाइ हादतगिरिनि बिसिखौ सेकेन्ड लेडी बुनाय जायो।

आमेरिकानि जारिमिनआव बेनि सिगां रावबो आइजोखौ हादतगिरि एबा लेडाइ हादतगिरि महरै सायख'फेराखै। बेनिखयनो आथिखालाव गिबि आइजो लेडाइ हादतगिरिनि फिसाय सेकेन्ड जेन्टेलमेन एबा सेकेन्ड हासबेन्डनो मा टाइटेल् होनाय जागोन। बेखौ नोजोर होगोन।

बिसायख 'थियाव देरहानानै गोहोआव फैफिन्नो हासिगौ आंग सान सु कीआ

नेपिता, 9 नभेम्बर: म्यान्मारि पालियामेन्टारि बिसाय 'थिनि फिथाइ सान्नाया दिनैसिम सोलिगासिनो दड। सुलुनि बादिब्ला, दासिम मोन्नो हानाय फिथाइ बादियै सिगांनि बिसायख 'थियाव देरहासारनो हानाय आंग सान सु कीनि दोलो नेसनेल लीग फर डेमक्रेसिआ बे खेबआवबो गोबांथार मासि देरहानानै फिन खेबसे खुंथाय गोहो सामलायनो हासिगौ।



म्यान्मार टाइमसआ पबेडान टाउन्सिननि एनएलडि दोलोनि लेखइ आफादगिरि यु मांग मांगनि मुडै फोसावनाय रादाबनि बादियैब्ला दोलोनि बिजजाथिफोरारो दासिम भट सान्नायनि गेजेराव बयनिखुइबो बांसिन भट मोन्नो हाबाय।

बेराफसै बेरेखा दोलोआ 20 निफ्राय 30 भट मोन्नानै दड। गुबैये मोनप्रोमबो बियाबआवनो नेसनेल लीग फर डेमक्रेसिनि बिजाथिफोरारो दासिम भट सान्नायनि गेजेराव बयनिखुइबो सिगांसिनआव आवगायनानै

दड। मख 'नो गोनांदि, करना भाइरास महामारिनि थाखाय म्यान्मारिनि पालियामेन्टारि बिसायख 'थिखौ थांनाय रबिबारखालि खुंनाय जादोंमोन। बेरेखा दोलोफोरा

कभिड-19 नि थाखाय भट फोर्बोखौ आरोबाव फावसायबावनानै उनाव खुंनो दाबि दैखादोंमोन। नाथाय एनएलडि आरो म्यान्मार बिसायख 'थि आयगआ गावसोरनि थांखि बादियैनो बिसायख 'थिखौ खुंनोमोन। म्यान्मारआव दासिम 61 रोजा सुबुंफोरा करना भाइरासजों सन्देखजानानै दड। बेनि गेजेराव सा 1400 सुबुंफोरा बे भाइरासजों जिड गोमानांदों। बेनि सिगां बोसोर 2015 आव खुंनाय बिसायख 'थियाव आंग सान सु कीनि दोलो एनएलडिआ देरहासार जानानै हादतआव 50 बोसोरसिम सांथि खुंथाय सामलायनायखौ लाखिबोदोंमोन।

लोरबां गथ 'फोरनो फरायसालियाव बेसेन नाडै जाग्रा आदार होनो ब्रिटेइन सरकारआ गनायथि होबाय

लन्डन, 9 नभेम्बर : ब्रिटिस सरकारआ मोनसे मख 'जाथाव नेमखान्थि बानायनानै गुसु बोथोरनि समाव निखावरि गथ 'फोरनो फरायसालियाव बेसेन नाडै जाग्रा आदार होनो थाखाय गनायथि होबाय। खुंथाइयाव थानाय कन्जार्भेटिभ पार्टिनि एमपिफोरा सिगाडाव फरायसालिनि बन्दनि समाव लोरबां गथ 'फोरनि थाखाय फरायसालियाव बेसेन नाडै जाग्रा आदार होनाय बिथांखिखौ फुवारनो थाखाय बेरेखा दोलो लेबार पार्टिनि थांखिखौ गनायखौमोन। आथिखालाव सरकारआ बे थांखिखौ फुटबलार मार्कस रेशफर्डनि गेजेरजों निखावरि गथ 'फोरनि



मदतयाव सालायनाय मोनसे अभियाननि उनाव लानाय जादों। बेनि सोमोन्दै ब्रिटिस सरकारआ बुडोदि, जायगानि परिषदिनि गेजेरजों रान्नाँ होनो नागिरनाय 170 मिलियन पाउन्ड (गासै 223.7 मिलियन आमेरिका डलार) नि फान्डजों लो गोसे गासै 400 मिलियन पाउन्ड (गासै 526.3 मिलियन

आमेरिकन डलार) बे यजनानि थाखाय खरसा खालामगोन। बेजों नख 'फोरनो जाग्रा आदार आरो बिलखौ होनायाव मदत होनाय जागोन। मख 'नो गोनांदि, थांनाय दानफोराव इलेन्डआव बन्दनि समाव फरायसालियाव बेसेन नाडै जाग्रा आदार होनायनि थांखिखौ सोलाय होनायनि डाउन स्ट्रीटनि सायाव

फुटबलारनि दैदेन्नायाव धर्नानि गेजेरजों नारसिन्नाया बांदोंमोन। बेनि गेजेरजों थांनाय बृहस्पतिवार खालि फोसावनाय गोदान कभिड-19 लकडाउननि नेमखान्थिनि गेजेरजों इलेन्डआव स्कुल, कलेज आरो मुलुग सोल्लोसालिफोरा खुलिफिनो आरो बेयाव करनानि केसआ बांफिनो।

आमेरिकानि हादतगिरि बिसायख 'थिनि उनाव कमला हेरिसनि बिजाबफोरा गोबांसिन फानजादों



वाशिंन्टन, 9 नभेम्बर: आमेरिकानि हादतगिरि बिसायख 'थि फिथाइ फोसावजानायनि उननिफ्रायनो लेखइ हादतगिरिनि मासिआव देरहासार जानाय कमला हेरिस लिरनाय बिजाब आरो बिथांनि सोमोन्दै रन्साइनाय बिजाबफोरनि फान्नाय अन्जमाया बांसिन्दों। आमेजननि गोजौ थाखोनि गां 10 बिजाबफोरनि गांब्रै बिजाबआव गोदानै सायख 'जानाय लेखइ हादतगिरि हेरिसनि बागे एबा बिथांनि सोमोन्दै लिरनाय बाथ्राफोर दंसोगारो। बेफोर बिजाबफोरनि गेजेराव हेरिसआ गावनि लिरनाय गथ 'फोरनि बिजाब

“सुपर हिस्स आर इभेरियर”, बेनि दिहुनगानै, ‘दा थ्रुस बि हल्ड: एन आमेरिकन जार्नी’, बिथांनि सोमोन्दै मिना हेरिस लिरनाय गथ 'फोरनि बिजाब-कमला एन्ड माया बिग आइडिया आरो निक्की ग्रीमसनि बिजाब 'कमला हेरिस: स्टेडइन जास्टिस' बिजाबफोरानो मख 'जाथाव। कमला हेरिसआनो आमेरिकानि गिबिसिन गुफुर बिगुरनि नडै आइजो लेखइ हादतगिरि जाबाय। गोदानै सायख 'जानाय हादतगिरि जो बाइडेननि बिसि जिल नि लिरनाय गथ 'फोरनि बिजाब-‘जोइ: जा स्टीरि अफ जो बाइडेन' बिजाबखौ बे फारिलाइन 14 थि मासिआव जायगा होनाय जादों।

डनाल्ड ट्रम्पनि अखा आखुआव नख 'आ गिखांदों, फिसाजो-बिजामादैया जेनायखौ सिमान लाजानो लुबैदों

वाशिंन्टन, 9 नभेम्बर: आमेरिकानि हादतगिरि बिसायख 'थिनि फिथाइ बादियै गावनि जेनायखौ दासिमबो गनायनानै लानो गोसो जायाखे डनाल्ड ट्रम्पआ। बिथांनि बे नांथाबनाय आखुआव नख 'रनि सोद्रोमाफोरजों लो गोसे फिसाजो-बिजामादै आबो गिखांनाय फोरमायदों आरो गोखौनो जेनायखौ गनायनानै लानायखौ हास्थायदों। सिएनएननि खौरं बादियैब्ला ट्रम्पनि बिजामादै जेरेड कुशनर आरो बिसि मेलानिया ट्रम्पमोनहा फिसाइ ट्रम्पखौ बिसायख 'थिनि फिथाइ बादियै जेनायखौ गनायनानै लानो खावलायदों। बिजामादै कुशनरआ ट्रम्पखौ गनायहोनो ह्वाइट हाउससिमबो थांनानै खावलायहैदोंमोन। नाथाय फंसेबो राव मोनालासेनो गिदिं बोफिन्नां दों मोन। मिबथिनाय बादिब्ला, ट्रम्पआ गुबुन बाथ्रा खोनासंनो एंब्राबाय थादोंमोन। फिसाजो इभान्का ट्रम्पआबो बिफानि बे आखुआव खाफाल हमनांदोंमोन। बेराफसै ट्रम्पनि



फिसाजलाया बिफाजोंनो लो गोसे नांथाबनानै दंफायो। डनाल्ड जुनियर आरो एरिकआ लो गो आरो मदतगिरिफोरनि सिगाडाव फोरमायदों-बिसायख 'थिनि बे फिथाइखौ गावसोर माब्लाबाबो गनायनानै लानाय नडा आरो बेनि थाखाय नारसिनलांबाय थागोन। थोंजोडै बुंनो थाडेब्ला बिसायख 'थिनि फिथाइखौ लानानै ट्रम्पनि नख 'रा खावने जाबाय। गुबुन मोनसेआ गनायनांगौ आरो गुबुनआ गनाय।

बादियैब्ला, गिबि आइजो मेलानियाआ फिसाइ डनाल्ड ट्रम्पखौ इनार सार्केलनि गुबुन गुबुन सोद्रोमाफोरबादिनो ट्रम्पखौ सिमान जाजानो लुबैदों। सुलुनि बादिब्ला, मेलानियाआ ट्रम्पखौ हादतगिरि बिसायख 'थियाव जो बाइडेनजों जेनाइखौ गनायनानै लानो खावलायो। अब्लाबो मेलानियाआ बिसायख 'थिनि समाव नुजानाय जेनाफोरनि सोमोन्दै बाथ्रा बुंनो एंब्रायो, नाथाय बिथांनि बुंनाय बाथ्राफोर ट्रम्पनि लुबैनाय बादिनो नुजाथियो।

जो बाइडेनआ आमेरिकायाव गावनि बिबान सामलायनो थियारि साबाय बाइडेनआ करना आरो क्लाइमेट सेन्जनि सायाव गिदर थांखि लानो हागौ

वाशिंन्टन, 9 नभेम्बर: आमेरिकानि हादतगिरि बिसायख 'थियाव डेमक्रेटिक पार्टिनिफ्राय देरहानाय जो बाइडेन आरो कमला हेरिसआ फेगौ 20 जानुवारीखालि बिबाननि थाखाय समायखिरा लागोन। डेमक्रेटिक पार्टिआ आमेरिकायाव खुंथायखौ सामलायनो थाखाय थियारि जाबाय। सुलुनि बादिब्ला, बाइडेन आरो हेरिसआ समायखिरा लानायनि सिगाडावनो गाव-गावनि वेवसाइट जैरे टुइटर एकाउन्टखौ खुलिना लाबाय। गुबुन फार्सेथिं हादतगिरि डनाल्ड ट्रम्पआ दासिम गावनि जेनायखौ गनायनानै लायाखे। अदेबानि हादतगिरि बिसायख 'थिनि फोसावनाय फिथाइखौ दासिम सन्देह लानानै दड डनाल्ड ट्रम्पआ। मिबथिनाय बादिब्ला, हादतगिरि ट्रम्पआ गासै 214 भट आरो जो बाइडेनआ 279 भटखौ मोन्नो हादोंमोन। जेराव हादतगिरि मासिनि देरहानायनि थाखाय गासै 270 भटआ जोबोद गोनांथार। सुलुनि बादिब्ला गोदानै बिसायख 'जानाय बाइडेनआ

करनानि हेंथायै जुजिनो थाखाय मोनसे टास्क फर्स बानायनो थांखि लादों। करनानि हेंथायै जुजिनयाव ट्रम्पआ फेलें जानायखौ बाइडेनआ बिसायख 'थियाव गाहाय खालामदोंमोन। बेनि अनगायैबो बाइडेनआ पेरिस क्लाइमेट गोरोबथाखौ फिन नैथि खेब सावरायनो थांखि लादों। बेजों लो गोसे मुसलिम हादरफोरनि सायाव दावबायनायखौ बन्द खालामनायनि सायावबो थांखिखौ बोखानानै लानो हागौ। आगुनि बार' हादतगिरि जर्ज डब्लिउ बुसआ बुडोदि, बिसायख 'थिनि गासैबो हाबाफारिआनो आबुडै रोखा जाबाय। बेयाव गुबुन रोखोमनि बाथ्रा बुंनायनि सोलायै आमेरिकानि सुबुंफोरा मिजिथिजों भट होनानै बिसायख 'थिखौ बारहोहरदों। गुबुन फार्सेथिं डनाल्ड ट्रम्पआ गावनि गोन्-गोथो गोसोजों बिसायख 'थिनि सायाव फिन नायबिजरफिनो एबा भट सानफिनो मोन्थाय दडना गैया बेनि सायाव दासिम रोखा नडा। बारग' हादतगिरि बुसआ बुडोदि, राजखान्थि महै

दान्थे-बिदान्थे जानाया आलादा बाथ्रा। नाथाय आं मिबथिनायाव बाइडेनआ आमेरिकानि सासे मोजां दैदेनगिरि जागोन आरो हादरखौ खौसेथि खालामगोन। बाइडेननि बेखेवनाय वेबसाइटआव मोनब्रै गाहाय आयदा फारियै-करना भाइरास, रांखान्थि गोखौ खालामनाय, क्लाइमेट सेन्ज आरो माखासे बिथिडाव थाबेनो मावफुंनो थांखि लानायखौ फोसावदों। गुबुन फार्सेथिं डेमक्रेटिक पार्टिनिफ्राय मोनसे सुलुडाव फोरमायनाय बादिब्ला, फेगौ 20 जानुवारीनिफ्राय वेबसाइटआव फोसावनाय मोनब्रै आयदाया गिबि मावथांखि जागोन। गुबुन फार्सेथिं ट्रम्पनि बिसि मेलानियाआ टुइटरनि गेजेरजों मिबथिहोनाय बादिब्ला, आमेरिकानि हादतगिरि मासिनि बिसायख 'थिखौ मोजां जानायखौ बयबो हास्थायो। बिसायख 'थियाव गोबें एबा आइन बेरेखायानो जाया मानो साफ्रोमबो नोगोरारिनि भटखौ सान्नाया जोबोद गोनांथार।

बिहार बिसायख 'थिनि फिथाइआ आसाम, सोनाब बंगआव कंग्रेसनि सोलो खाथियाव मदत खालामगोन

राजखान्थिनि सायाव फिथाइनि उनावसो गोलैगोन। मख 'नो गोनांदि, थांनाय 2014 नि लकसभा बिसायख 'थियाव लाजिनांथावयै जेनायनि उनाव कंग्रेसआ गावसोरनि सावगारिखौ सोलायनो नाजादों। गुजरात बिधान सभा बिसायख 'थियाव मुसलमानआ पार्टिनि एजेन्डानि बाइजोआव थायो। बेनि उनाव जानाय माखासे गुबुन राइज्योफोरनि बिधान सभा बिसायख 'थियावबो कंग्रेसआ मुसलमानफोरजों लोब्बा गोनां आयदाफोरनि सायाव जानगाराव थांनानायखौ नुनो मोन्नाय जादों। आथिखालनि थांनाय 2019 नि बिसायख 'थियाव जेनायनि उनाव पार्टिआ

गावसोरनि सोलोखान्थिखौ सोलायहोयो। अदेबानि बिहार बिसायख 'थियाव कंग्रेसआ गावसोरनि सिगांसिफ्राय सोलिबोबाय थानाय भट बेंकखौ रिफुजि, मुस्लिम आरो दलितफोरनि सायाव नोजोर होदों। बेनि गेजेरजों जेनजानो गिनानै पार्टिआ मुस्लिम आयदाफोरखौ नागाराखै। बेनि गेजेराव बिसायख 'थिनि सिगां इडपिआव डा. कपिल खाननि रेहायनि थाखाय सालायनाय केस आरो बिहाराव जिन्नानि जेनाजों लोब्बा गोनां मशकुर आहमद उस्मानीनो टिकेट होनाया दंफायो। बेजों लो गोसे माखासे मुस्लिम फोसावदिग्राफोरखौबो बिसायख 'थिनि फोथाराव फसंदों।

बर'नि सल'बाथा आरो माहारियारी बेसेन

(2 बिलाइनिफ्राय) जैरे :-बुइमनि जोनोम, डिबा बोराय-डिबिबुरै, सान्दो बाउदिया मोनसिंसिं बोराय सल'बाथाफोरा बे थाखोनि सल'बाथा। बेफोर सल'बाथायाव बर'नि धोरनो सानस्री, आसारखान्थि, माहारिनि सावगारिफोरा बेरखांदों। बे बुहुमाव सुबुं हारिया बोरे जोनोम मोनखो, रायजो जानायाव एबा थांना थानो बर'फोरा सोर मोदायखौ माबोरै सिबियै आरो फुजियो, मा नेमखान्थि दं, बुजियैनि थाखाय माबादि जालाय जाखायाव गोलेनंगो बेखौ मोन्नो थाडे।

बर' सल'बाथायाव बोराय बाथौ :-बर' सल'बाथानि गोबां सल'आव बोराय बाथौनि बाथ्रा मोन्नो थाडे। सल'नि गाहाय आखलाव थानाय हौवा एबा हिन्जाव भावनागिरिया खैफोतआव गोलेन्या अबलाउरी एबा बोराय बाथौखौ हांखायनाय, भावनागिरिया गोरोन्थि हाबा मावब्ला साव होनाय जाथाय नुनो मोनो। एखनब्ला भावनागिरिखौ दर्जाय जालायाव खोख्तायनाय नुब्बा बोराय बाथौवा खोखानाय एबा रैखा खालामनाय नुनो। फार्सेथिं सैथोनि जै, असैथिनि जेनाय बाथ्राखौ फोरमायथिना सुबुं माहारिखौ सैथोजों आगान सुरनो फोरोंनाय नुनो मोनो। गुबुनखौ थगायब्ला गावनो थगायजाफिन्याय, सिखावनि साजा, बायदि बोसोनखौ होनाय जायो। बर' सल'बाथानि बाथ्राखौनो बर'फोरा सानथोरनि बोसोन बादियै मानिना सोलिबोदों। रामायण, महाभारत,गीता, भागवत, बाइबेल करणनि गोथौ आरो मेहेर गोनां बोसोन फोरबो बर' सल'बाथायाव मोन्नो थाडे। सानप्रोमबोनि रायजो जानाय, हाबा-हुखा मावनायाव बर'फोरा सासथोरनि बोसोनफोरखौ मानिनां सोलिबोदों। मैहुराय थांना मोसा, मुफुर, मैदेर, गान्दाजों मोगामोगि जाना सासे मैहुरारीया माबोरै रैखा मोनखौ माबोरै बारग'खो बेफोरखौ बर' सल'बाथानि गेजेराव मोन्नो थाडे। मैहुरारीफोरा बेफोरखौ आगानप्रोमबो गोसो थांना मानिनो सोलोडे। हाबा-हुखा, फुजा होनाय, माहारिनि खान्थि फालिनाय गावजों गाव गोरोबलायनायाव बर' सल'बाथानि गोहोम गोलैनाय नुनो मोनो। बर' सल'बाथानि बिथाखौ लाना गोबां बर' खन्थाय, फावनाय, जोनोम मोन्दा। बर' सल'बाथाफोरखौ लाना गोदोनफ्रायनो फानाय लिरना जात्रागानाव दिन्थियाय जाबोदों। इयुनाव बेफोर सल'बाथाफोरखौ बुधुमा थुनलाइ महर होयोब्ला बर' थुनलाइयाव भान्दारी होनाय जागोन होना मिजिक थिनो हायो।

आमेरिकायाव 1 कौटिनि बांसिन करना सन्देरनाय मोन्नाय जादों

वाशिंन्टन, 9 नभेम्बर : करनानि इनफेक्सनआ मुलुगनाडे दासिमबो गोसारनानै दड। माखासे हादतफोरा दासिमबो बेनि गोहोमजों भुगिनांदों। जुथाय हादत आमेरिकाया मुलुग नाडेनि गिबि हादत जादों, जेराव रबिबारव करनानि केसआ 1 कौटि जादों। बे अन्जमाया बे सानआव फेदों जेब्ला करना भाइरासनि मुलुगनाडेकेसआ 5 कौटिनिफ्राय बांसिन जादों। जुथाय हादत आमेरिकानिफ्राय थांनाय 10 सानफोराव 1 लाख केसनि खौराड फेदों। 293 सान सिगां आमेरिकिया वाशिंन्टन राइज्योआव गावसोरनि गिबि करना केसखौ मोन्नायनि उननिफ्राय इनफेक्सन बांनायखौ फोरमायदों। खौरांनि बायदिब्ला आमेरिकिया शनिबारआव गासै 131,420 कभिड 19 नि केसखौ रेकर्ड खालामदों आरो थांनाय 7



सानफोराव 4 खेब 100,000 निफ्राय बांसिन इनफेक्सन जानायनि केसखौ होदों। आमेरिकिया बावैसो समाव 105,600 सानफ्रोमबोनि केसनि रिपर्टखौ होदों, जेराव गासै 29 जौखोन्दो बांदों, बेयो भारत आरो फ्रान्सनि थाखाय जयेन्ट एवरेजनिफ्राय बांसिन, जाय एसिया आरो इर'पनि दर 2 बयनिखुइबो बांसिन

गोहोम गोलैनाय हादतफोरनि गेजेराव दरसे। थांनाय बोसोरनि जोबनायाव चीनआव गिबि खेब करना भाइरासनि जाहोनाव जानाय बेरामिनि उननिफ्राय 237,000 निफ्राय बांसिन आमेरिकियाव कभिड-19 जों थैदों। फारसेथिं रबिबारनि मोनाबिलिसिमआव मुलुगनाडे 12,58,235 सुबुंफोरा थैखांबायमोन।

फरायसालिफोराव गेलेमु आयदाखौ थिसन्यानि राहा लानांगौ: अन्जु बबी जर्ज

गोदान दिल्ली, 9 नभेम्बर: आगुनि मिबथिसार जानाय गोलाव बाया एबा एथलेटिक्स अन्जु बबी जर्जआ दासान्दि भारतनि एथलेटिक्स फेडरेशनआव लेडाइ आफादगिरि मासिखौ सामलायनानै भारतनि गिबि आइजो जानो हादो। मख'नो गोनादि, अन्जु बबी जर्जआ थानाय 2003 माइथायनि वर्ल्ड सेम्पियनसिपआव ब्रन्जनि मेडलखौ देरहानो हानानै भारत हादतनि गेजेरावनो सासे जाफुंसारनाय एथलेटिक्स महरे गावखौनो फोरमान होनो हादो। 43 बोसोर बैसोनि अन्जु बबी जर्जआ बुडोदि, लकडाउननि उनाव टकिय अलिम्पिक गेम्सनि थाखाय गेलेनाया दासान्दि जागायजेनबाय। बेनि सिगां गेलेगिरिफोरखौ एक्सपजार होनायनि थाखाय ट्रेनिं कम्पेटिसनआव थिसनो थांखि लादो जाहाथे बेनि गेजेरजो गेलेगिरिफोर जाफुंसारनो हायो। जर्जआ बुंबावोदि, गेलेमु बिफान आरो फेडरेशनआ फरायसालियाव एथलेटिक्सखौ बायरायहोनायनि थाखाय दासान्दि



खामानि मावगासिनो दड। लकडाउननि उनाव दासान्दि सेनियर लेगेगिरिफोराबो गेलेनाया खौ जागायजेनफिनबाय। जुनियर गेलेगिरिफोरखौबो ट्रेनिं खालामनायाव बाहागो लानो थाखाय हांखायनो थांखि लादो। माखासे दाननिफ्रायनो गेलेनाय आरो ट्रेनिं लानायनिफ्राय जानगाराव थानानाया गेलेगिरिफोरनि थाखाय मोनसे गाज्रि सान जानानै थांबाय। नाथाय साफ्रोमबो गेलेगिरिफोरखौ गेलेग्रा फोथारआव लाबोफिन्नु दासान्दि थियारिखालामदो आरो फेगौ अलिम्पिक गेम्सनि सिगां

एथलेटिक्सफोरखौ गोनां ट्रेनिं बादायाव थिसनो थांखि लादो। मख'नो गोनादि, वर्ल्ड सेम्पियनसिपआव 240 निबो बांसिन बाहागो लानाय अन्जु बबी जर्जआ भारतआव गेलेगिरिफोरनि रोंगथि आरो गोखौथिया खम नडा होन्नानै बुंथियो। जौनि एथलेटिक्स गेलेगिरिफोरा गोबां खस्थ' खालामगासिनो दड। बेनि अनगायैबो गामियारि ओन्सोलाव लाइमोनफोरखौ गेलेनाय आयदायाव लाबोनो थाखाय फेडरेशनआ नेसेल इन्टार डिस्ट्रिक गेलेमु बादायलायनायखौ खुंनय जादो आरो बे बादायलायनायाबो खेल इन्डिया गेम्स बायदि होन्नानै

बुंदो। साइ आरो फेडरेशनआ खेल इन्डिया गेम्सखौ आलादा-आलादायै गेलेगिरिफोरनि बैसो थाखो फारागथियाव टेलेन्ट साच आयदा लानानै बादायलायहोनाय जादो। अन्जु बबी जर्जआ बुडोदि, इयुन जोले लाइमोनफोरखौ गेलेनायनि फासे रोंग'थि खालामनाय आरो जौगाखां होनायनि थाखाय फरायसालिआव गेलेमु आयदाखौ अरायथा महरे थिसननांगौ होन्नानै दाबि खालामो। सरकारनि हाबाफारि लानाय फरायसालि थाखोआव गेलेमु आयदाखौ थिसन्यानि फासे गोब्राब जागोनब्लाबो नाथाय सोलौंथाय बिफानआ बे गेलेमु आयदाखौ गोनांथार नोजोरजो मावफुंनयाव बिबान लानांगौ होन्नानै बुडो। सोलौंथाय बिफानआ फरायसालिफोराव गेलेमु आयदाखौ गेलैयै थिसन्यानि हाबाफारिआ गेलै नडा होन्नानै बुंबावो। फरायनायजो लोगोसे गेलेमु आयदाखौबो फरायसालिआव लानो हायोब्ला गेलेगिरिफोर थौबैनो गेलेनायनि फासे आवगायनो हायो।

दिनै 13 थि सिजन आइपिएलनि फाइनाल मेचखौ मुम्बाइ इन्डियान्स आरो दिल्ली केपिटेलस हान्जानि गेजेराव गेलेगोन

आइपिएलनि जारिमिनआव दिल्ली केपिटेलसआ गिबि खेब फाइनाल मेच गेलेगोन

दुबाइ, 9 नभेम्बर: भारत हादरनि बाइजोआव थानाय अक्टबर दाननिफ्राय फारिये सोलिबोबाय थानाय 13 थि सिजन इन्डियान प्रिमियर लीग सुंद'थै आइपिएलनि जोबथा मेच गेलेनाया गाबोन 10 नभेम्बरखालि खुंजागोन। माखासे साननि गेजेराव सोलिबोबाय थानायनि गेजेरजो मैया मोनसे गोनां मेचखौ देरहानो हानानै थौंजोडै फाइनालाव सौहैनो हानायजो बे सिजननि आइपिएलनि फाइनाल मेच गेलेगोन मोननै हान्जाखौ मोनो हाबाय। मिबथियाव बादिब्ला थानाय हरनि समाव गेलेनाय नैथि प्लेअफ राउन्डनि मेचखौ सीयस आयारनि दैदेन्नाय दिल्ली केपिटेलसआ सानरइजार्स हाइद्राबाद हान्जानि हेंथायै देरहानो हायो आरो थानाय 12 बोसोरनि उनाव गिबि खेब फाइनाल मेस गेलेनो थाखाय दिल्ली हान्जाया थियारि जानो हाबाय। बे सिजननि



आइपिएलनि फाइनाल मेचखौ सिगाडवनो सौहैखानाय मुम्बाइ इन्डियान्स आरो दिल्ली केपिटेलस हान्जानि गेजेराव मोगा-मोगि गेलेगोन। मोननैबो हान्जाया आइपिएलनि जोबथा मेच एबा फाइनाल मेचखौ गेलेनो थाखाय थियारि जादो। थानाय हरनि समाव गेलेनाय गोनां मेचखौ दिल्ली केपिटेलसआ सिगां बेंटिं खालामनानै शिखर डवननि गोखौ गेलेनानै गासै 50 बलआव 70 रान खालामनो

हानायनि हेफाजाबजो 20 अभावरआव गासै 189 रानखौ खालामनो हायो आरो बेरेखा हान्जानो 190 राननि टार्गेटखौ होनो हायो। बे गिदिर राननि टार्गेटखौ रुजुनो थांखिजो हाइद्राबाद हान्जाया सिगांनिफ्रायनो गोखौ गेलेनो नाजानायाव फारिये उइकेटखौ खोमाना लानो गोनां जायो आरो बे समावनो मिजिंथिजानाय गेलेगिरि केन उइलियामसनआ हासिडै गोखौ गेलेनायजो हान्जाखौ देरहानायनि लामायाव

लानानै थानो हायो। नाथाय जोबथायाव दिल्लीनि बलारआ सोमोनंथावै बलिं खालामनायाव बे मेचखौ 17 राननि फारागथियाव देरहानो हायो। हाइद्राबादिनि जानानै उइलियामसनआ 45 बलआव गासै 67 रान, मनिष पान्डेआ 21 रानखौ खालामनो हादोमोन। फासेथि दिल्ली हान्जानि जानानै केपेन श्रीयस आयराआ 21 रान आरो माखासे बेटसमेनफोराबो एसे एसे रान खालामनो हानायजो हान्जानि देरहानायाव गोनांथार बिहोमा होनो हायो। मख'नो गोनादि, प्लेअफ राउन्डनि गेलेनाय गिबि मेचखौ जेन्यानि उनाव नैथि राउन्डनि मेचखौ दिल्ली केपिटेलस हान्जाया देरहानो हानानै गिबि खेब फाइनाल मेचखौ गेलेनो थाखाय थियारि जानो हायो। बेबादिनो बे सिजननि फाइनाल मेचखौ गाबोन रहित शर्मानि दैदेन्नाय मुम्बाइ इन्डियानसनि हेंथायै दिल्ली केपिटेलसआ गेलेगोन। अदेबानि बे खेबनि आइपिएलनि टूफीआ सोरनि दखलआव थांगोन बेनि सायाव गाबोननि गोनां मेचनि गेलेनाय फिथाइयासो फोरमायगोन।

पेरिस मास्टार्सखौ डेनिएल मेडभेदेबआ देरहाबाय



पेरिस, 9 नभेम्बर: मुलुगनां टेनिस रेंकिंआव बाथि जायगा लानानै गेलेनाय गेलेगिरि डेनिएल मेडभेदेबआ पेरिस मास्टार्सखौ देरहानो हाबाय। रासियानि गेलेगिरि डेनिएलआ पेरिस मास्टार्सनि सिंगेल्स फाइनाल मेचआव गेलेगिरि आलेक्जेन्डर ज्वेरेबखौ गासै 5-7, 6-4, 6-1 सेट पइन्टआव गोब्राबजो फेजेनो हायो। बे खेबनि टेनिस टूर्नामेन्टखौ देरहानो हानायजो रासियानि गेलेगिरिआ थामथि खेब पेरिस मास्टार्सखौ दखल खालामनो हादो। गेलेनायाव गिबि सेट पइन्टखौ आलेक्जेन्डरआ देरहानो हादोब्लाबो नाथाय रासियानि गेलेगिरि डेनिएलआ उनि मोननै सेटखौ फारिये देरहानो हानायजो टूफीखौ आजावनो हायो। फाइनाल मेचखौ देरहानो हानायनि उनाव गेलेगिरि डेनिएलआ बे देरहानायखौ गावनि जोबोद गोनांथार होन्नानै बुडो। अदेबानि मेचखौ देरहानायाव गावनि जाफुंसारगोन खौ मिजिंथियाखौ मोन होन्नानै फोरमायो। थानाय समफोरनि सिगां गेलेनायाव रासियानि गेलेगिरिआ गेलेनायखौ गोखौडे दिन्थिनो हायाखेमोन। जायनि जाहोनआव बे सोलिफु बोसोराव खेबसेबो फाइनाल मेचखौ गेलेनो हायाखै। नाथाय पेरिस मास्टार्सआव गोखौ गेलेनानै टूफीखौ आजावनो हायो आरो जोबोद गोजोनाय

फोरमायो। फासेथि गावनि बिसिआ बुंनय बाथ्राखौ रायखानानै गेलेगिरिआ बुडोदि, आं मोनसेबो बे बोसोराव टेनिस टूर्नामेन्टनि फाइनालआव सौहैनो हायाखै। आंनि गेलेनाया लोरबां फर्मजो सोलिगासिनो दडमोन। जायनि थाखाय बे टूर्नामेन्टआव गोखौ गेलेनानै थांखिसिम सौहैनो हानायव जाफुंसारदो। मख'नो गोनादि, पेरिस मास्टार्सआव ज्वेरेबआ मुलुगनि गोखौ गेलेगिरि राफेल नाडालखौबो फेजेनो हादोमोन। नाथाय फाइनाल मेचआव जेनो गोनां जायो। गिबि गेलेनायाव ज्वेरेबआ गावनि गोखौ गेलेनायखौ दिन्थिनो हानायजो गिबि सेटखौ देरहानोबो हादोमोन। बेनि उनाव डेनिएलआ गोखौसिन गेलेनो हानायजो फाइनाल मेचखौ देरहानो हायो। डेनिएलआ बे टूर्नामेन्टआव सानै गोखौ गेलेगिरि केबिन एन्डरसन, मिलस राभिनिकखौबो फेजेनो हादोमोन।

मेघालय, 9 नभेम्बर: खुंबोदो। बे लीगनि थांखिया गथ'साफोराखौ रांखान्थि लीगखौ लानानै जोबोद

टूर्नामेन्टनि थाखाय 6 निफ्राय 12 बोसोर-सिमनि गथ'साफोरा 70 कि:मि: हान्थिदो



मेघालयनि मोनसे गामि लेत्चेहआव गिबि गलडेन बेबी लीगआव सा 350 निखुइबो बांसिन गथ'साफोरा बाहागो लादो। रायथांथानादि, बिसोर गथ'साफोरा मेघालयनि हाजो ओन्सोलनिफ्राय 70 कि:मि: लामानि जान्थायखौ हान्थिनानै गेलेग्रा फोथारआव बाहागो लादोमोन। अल इन्डिया फुटबल फेडरेशनआ बे लीगनि सामलायगिरि गिलबार्ट जेक्सननि फोरमायथिनायाव मिबथिहोनाय बादिब्ला, बे लीगआव बाहागो लानायनि थाखाय माखासे गथ'साफोरा फुंनिफ्रायनो न'निफ्राय गेलेनो थाखाय ओंखारलाडो। गोबां गथ'साफोराबो गाव गावनि हान्जाजो लोगोसैयै मेच गेलेनायखौ नायनो एबा गेलेनो थाखाय माखासे गोजान गोजान ओन्सोलफोरव सौहैयो। गलडेन बेबी लीगआव जागायजेन्यानि थांखिया बेनोदि, हौवा आरो हिन्जावसाफोर उन्दै बैसोनि गेलेनायखौ थुलुंगा होनाय। भारतनि फुटबल फेडरेशनआ थानाय 2018 माइथायनिफ्रायनो 6 निफ्राय 12 बोसोर बैसोनि गथ'साफोरनि थाखाय बेबी लीग फुटबल बादायलायनायखौ

बिथिडव जौगाखां होनायनि खाबु होनाय। लीगनि सामलायगिरि गिलबार्ट जेक्सनआ बुडोदि, बे लीगआव गुबुन गुबुन हारनि गथ'साफोरा बाहागो लादोमोन। जेराव माखासे गथ'साफोरा फुंनि 6.00 रिंगायावनो सिखारनानै 70 कि:मि: जान्थाय लामाखौ थाबायो एबा हान्थियोमोन। बेखौ नुनानै जोबोद खुसि जागोनि गथ'सा आरो बिसोरनि नख'रफोरा गेलेनायखौ लानानै जोबोद सांघां। जौनि थाखाय बेबादि फुटबल लीगखौ खुंनया मोनसे थुलुंगाखांथाव होन्नानै बुडो। टूर्नामेन्टनि खुंफुं आफादआ मिबथिहोनाय बादिब्ला, मेचआव साफ्रोमबो गथ'साफोरखौ बैसो नायनानै गेलेहोनाय जादो। गिलबार्टआ बुंबावोदि, साफ्रोमबो

गोग्गनाय आरो रंजाखांनय फोरमायदो। मख'नो गोनादि, हाजो ओन्सोलनि थागिबि गथ'साफोरा साखाथियाव गेलेग्रा फोथार गैयैजो गोजान गोजान थानानै गेलेहैनायनि थांखिया हादतनि इयुननि थाखाय मोजां बाथ्रा जादो। मानोना बेबादि नाजाथाबनायनि गेजेरजो गथ'साफोरनि सिमाड इयुनआव जाफुंसारहैनायनि मिजिं दड होन्नानै सामलायगिरिआ बुंबावो। गिलबार्टआ बुंबावोदि, हौवासाफोरनि अनगायैबो हिन्जावसाफोरनि थाखाय मोनसे आलादा फुटबल लीगखौ खुंनयनि थांखि लागसिनो। बे लीगखौ थौबैनो खुंनय जागोन होन्नानै मिबथिहोदो। गेलेनायनि गाहाय थांखिया जादो गुदि थाखोनिफ्राय गोजौ थाखोआव गथ'साफोरखौ लानानै थानाय

मनप्रीट आरो सिंगलेनसानानिफ्राय गोबां सोलौंनया लादो: जसकरण

बेंगलुरु, 9 नभेम्बर: भारतनि हौवा हकी हान्जानि जानानै दासिम मोन 6 मेचखौ गेलेखानाय मिडफिल्डार जसकरण सिंआ बुडोदि, नेसेल केम्पआव मनप्रीट सिं आरो सिंगलेन साना सिं बायदि सेनियर गेलेगिरिनिफ्राय गोबां सोलौंदो। जसकरण सिंआ दासान्दि साइनि नेसेल हकी केम्पआव बाहागो लानानै प्रेक्टिस खालामनायखौ सोलिहोगासिनो दड। बेनि गेजेरावनो जसकरणआ बुडोदि, थानाय बोसोराव गेलेबोनाय हकी मेचफोरव आंनि गेलेनाया जोबोद गोखौडे थादोमोन। आं दासिमबो आंनि मुलुगनां गेलेनाय केरियारखौ जागायजेदो। बेबादि समावनो भारतनि हकी हान्जानि सेनियर गेलेगिरि मनप्रीट सिं आरो सिंगलेन साना सिंजो लोगोसैयै प्रेक्टिस खालामनो मोन्नायजो मोजाडै दासान्दि सोलिगासिनो दड। गेलेगिरिआ बुंबावोदि, आं बिसोरनिफ्राय हकी गेलेनायनि रोंगथिनि फासेल' सानाखै। अदेबानि गेलेग्रा फोथारनिफ्राय बाइजोआव गेलेनायनि फासेबो गोबां सोलौंनया लादो। आं



हकी गेलेनायनि बागै आबुडै मिबथियाव आरो सासे गेलेगिरि महरे मुलुगनि गेजेराव गावखौनो साबसिन गेलेगिरि खालामनो थानायाव हान्जानि सेनियर थाखोनि गेलेगिरि मप्रीट सिं आरो सिंगलेन सानानिफ्राय प्रेक्टिस खालामनाय समाव सावरायनायजो सोलौंनानै लादो। मख'नो गोनादि, बिसोर सानै सेनियर गेलेगिरिफोरा भारतनि जानानै दासिम मोन 200 निबो बांसिन हकी मेचफोरखौ गेलेबोनायाव बिसोरहा गेलेनायनि फासे गोबां रोंगथि दड आरो बिसोरनिफ्राय सोलौंनानै लानाया जोबोद गोनांथार होन्नानै बुडो। लकडाउननि

समाव गावनि थाबोनाय समखौ माबोरे बारहोहरा बेनि सायाव जसकरणआ बुडोदि, गावनि गेलेनायाव देहानि गोनांथि जानाय गोखौथिखौ गोजोरे लाखिनो थाखाय प्रेक्टिस खालामनायखौ न'आवनो सोलिहोबाय थादो। भारतनि मिडफिल्डार जसकरणआ बुंबावोदि, लकडाउननि समाव साफ्रोमबो गेलेगिरिफोराबो गोब्राब जादोमोन। मानोना गेलेनाय गैयालासेनो गोखौथिखौ लाखिनयनि फासे गाव-गावनि न'आवनो गेलेगिरिफोरा प्रेक्टिस खालामनायदोमोन। हकी इन्डियानि गोनां हेफाजाब होनाया लकडाउननि गोब्राब थासाारिआव हेफाजाब मोन्दो होन्नानैबो गेलेगिरिआ बुंथियो। मख'नो गोनादि, फेगौ बोसोराव जापाननि राजथावनि टकिय सहरआव खुंजानो गोनां अलिम्पिक गेम्सआव भारतनि हौवा आरो हिन्जाव हकी हान्जाया बाहागो लानो थांखिजो दासान्दि प्रेक्टिस खालामनायखौ सोलिहोबाय थादो।

भारतआव करनानि गोखैथिआ जिमायबाय



गोदान दिल्ली, 9 नभेम्बर: हादरआव करना भाइरसनि इन्फेक्सन जानाय बेरामिफोरनि अन्जिमाया 85 लाखनिफ्राय बांसिन जाबाय। नाथाय मोजां बाथ्राया बेदि, इन्फेक्सन जानायनि गोखैथिया खमायबाय आरो 15 अक्टबरनि उननिफ्राय गोदान केसआव दावख्लायबाय। थानाय सप्ताहनैनिफ्राय सानफ्रोमबो 50 रोजानिफ्राय खम गोदान केसखौ मोन्नाय जादो। बेवहाय साननै 40 रोजानिफ्राय खमसिन केसखौ मोन्दोमोन। मोनसे सम जादोमोन जेराव सानसेआव गोदान केसनि अन्जिमाया 1 लाखसिम सौहैदोमोन। इन्फेक्सनजो सानफ्रोमबोनि थैनायावबो दावख्लायनायखौ नुनो मोन्दो। बेराफासे सानफ्रोमबोनि गोदान

केसनिफ्राय बांसिन बेरामिफोरनि मोजां जानायनि थासाारियाबो सोलिबाय थादो। एक्टिभ केसआ 5 लाखनि एसेल' बांसिनसै। मिरु देहा मावख'नि फासे रबिबार्नि फुडाव फोसावनाय अन्जिमानि बादिब्ला, थानाय 24 घन्टयाव 45,674 गोदान केसखौ मोन्दो। बे समाव 559 सुबुफोरा थैदो आरो 49,082 बेरामिफोरा मोजां जो जादो। बेजो लोगोसेनो इन्फेक्सनजो दासिमाव 1,26,121 बेरामिफोरा थैखांबाय आरो 78.68 लाख बेरामिफोरा इन्फेक्सननिफ्राय मोजां जो जाखांबाय। बेरामिफोरनि मोजां जानायनि बिबाड बानानै 92.49 जौखोन्दो आरो थैनायनि बिबाड दावख्लायनानै 1.48 जौखोन्दो जाबाय।